

雅亭遺稿

詩

詞

卷三十五

青壯館全書四





青莊館全書卷之九

雅亭遺稿目錄一

詩一

觀齋秋雨

觀軒茗飲

夢踏亭李進玉

璉

徐汝五常修邊子欽

日休尹

曾若可基柳惠甫得恭觀射侯

忠勲府池閣

觀齋茗飲與尹曾若柳惠甫共賦

紅蜻蜓戲影



笑蜀叅縛帚

嘲吾

檣燈雨惡

讀莊

債徒訟婢係牢徐觀軒惻之借余宣德坎离爐
典於市人願貸千錢不得

秋日即事

贈金士龍

正中歸平壤

眼眯卧咏

涼雨夕

仍呵呵生聞柳金肝於宋子堂中癖漢魏叢書

戲寄要和

三疎軒會汝五子欽惠甫

西園

下元夜集觀齋

金奉常章行輓八首

汝五曾若惠甫共賦

庄勉東下

庚申夜與朴美仲趾源徐汝五尹曾若柳連玉

璉惠甫朴在先齊家李汝剛應鼎賦洞簫聯句

抄春夜集觀軒

代人輓其族叔

漢水舟中

論詩

題潮邨宗人軸

奉和高遠亭

奉和元玄川重舉

觀軒夏集

輓白公尚華

立秋之午同朴在先訪泉兩閣

夢踏亭共賦

觀軒盆竹

七夕翌日徐汝五柳連玉運玉惠甫尹景止朴
在先同遊三清洞挹清亭九首

秋雁

青飲樓之夕

秋夜

與惠甫在先將訪徐庄憇栗下

酬汝五東庄韻

九日麻浦同在先宿内第朴樾川宗山舍時張

幼毅

個來九首

碧蹄店

延安府

金沙寺

登沙峯望西海

晚發延安

與朴進士

綏壽賦

贈李存仲在誠兼示李洛瑞書九二首

贈盧察訪允中之任金郊

宗人心溪光錫至席地而話

寄朴在先旅遊寧邊府

送李汝剛讀書北漢山中

遊徐氏東庄

三春旣望訪玄川元丈於長興庫直中

端午日有懷楚亭生遊鐵甕城寄長篇

贈李仲純

英章

六月二十三日醉

雜題

伏日與徐汝玉諸人避暑三清洞誰家石壁下

憩挹清亭

與朴進士共賦

贈隣人

宿汝五東庄

心溪逢李大器

晚中

將往天安郡獲稻廬拜先妣墓

宿心溪參時祭

解嘲

題田舍

客中逢曾若時曾若將遊白馬江

笠聯句

麻湖奉和從舅朴公

浚源

三疎軒雅集

和吳雲巢載紹仍寄南樵夫有斗

在先來宿

和東隣

初集徐汝五新移之廬

太常東臺

夢蹠亭

集東岳詩壇翫宅客賦詩

六角峰玩花二首

舍人池閣

病餘有感

南漢東將臺同樵夫心溪賦

青莊館全書卷之九



青莊館全書卷之九

完山 李德懋 懋官 著

男光葵 奉果 編輯

雅亭遺稿一 德水 李晚秀 蕙隣 校訂

詩一

觀齋秋雨

會心之樹屋頭跣坐卧方便靜者居細辨香留情勝
友紅犀瓜類骨多魚乍稜眉頻新涼值微潤巾衫小
雨餘隱几神遊圓悟境禪經畫傳卷而舒
雨色昏歸薜荔垣同人文會素心存漫紋壁劍燈回

照檐慈棚鰲蝶駐翻陳腐剔詩皆大雅寧馨參座亦
玄言秋亭晚晚消清夜祇記哥蜜酒戒痕

觀軒茗飲

倚君青玉案茗飲話俱長蓼刺繁蟲鬧蟬專一樹涼
秋齋聊暇日晴箔暖新陽忽若遊方外形骸澹自忘
夢踏亭李進王璉徐汝五常修邊子欽日休尹

曾若可基柳惠甫得恭觀射侯

亭亭荷柄向吾迎宛記前遊榭逕明林氣暑餘濃不
已泉音空外瀉如爭軒窗籍客初增爽筆硯乘秋各
現精却笑癯儒憑酒力松間眠纈白侯橫

林裡相携欄畔呼秋之閏月遊難孤飯霞酒浪劇排
座柳替李髯堪著圖嶽麓涼雲晶晶溪營樓急管轟
轟驅寫來軸尾落暉趁老綠池荷香有無

忠勲府池閣

歇泊從便便我居槐颿柳蔭各襟虛勲臣古閣昇平
代韻士高遙暑退餘疊砌根穿經醉竹曠池鱗潔攷
生魚徐君明曉東郊出若遇奇遊輒報書

觀齋茗飲與尹曾若柳惠甫共賦

秋閏綏云晦年光駛不停榴房妍病樹盡部沸幽庭
惜福貽童穉願神嗇視聽淪茶司僕井銖兩抵南零

紅蜻蜓戲影

牆紋細肖哥窯坼篁葉紛披个字青井畔秋陽生影
纈紅腰婀娜瘦蜻蜓

芟蜀黍縛帚

夏四月往潮村有粒纍纍玄而揚赤宗人和
仲曰可帚也它蜀黍麤且必壽條不如馬尾此
不也仍貽余三羽歸植于石垣之陰六月七
月偉然老勁八月輒如果可帚也

栽栽蜀黍石垣陰八月米莖滿二尋長帚縛來如尾
穗散它餘粒施飢禽

嘲吾

兒古心清李炯菴評渠自抱太憨憨方其澹泊無為
坐不辨梅酸與蔗甘

櫺燈雨急

涼宵顧影剔燈紅
釧錄星經掉架充
頓有扁舟浮海
想秋齋忽泛雨
拜中

讀莊

晡死蜉蜚悲午死蜉些兒相距較誰優
高擡眼孔闔浮
界大笑彭殤辨短脩

債徒訟婢係牢徐觀軒惻之借余宣德坎离爐

典於市人願貸千錢不得

徐君假我坎离爐富室千錢未可輸
只想歐羅西國俗百金許典一根鬚

秋日卽事

秋序多騷屑書拋數日工賓鴻
勾引伶鄰棗了當紅樹豁俄吹兩城黃
始挿虹揮鐮除架蔓甘做圃英雄

贈金士龍

正中歸平壤

惜離之際悔初逢
久旅欣歸獨惱儻
料汝眼醒心又癢
馬頭妍妙牡丹峰

漢陽才子百篇詩
譬彼龍睛點迺奇評
是三疎編則

爾我能為序首書之

金正中字士龍集功今詩目曰點晴曾若批之余作并語

舌根宛轉語函胡聒耳朝渠白項烏為是勾麗中國
接群分子毋未全渝

刊落鋒稜與我歡不將時樣飭衣冠秋蟲滿野鵲
腹恢氣詩聲大可觀

老楓赫赫擁鞍來晴旭鞭絲帽影猜暝飯六宵兄弟
話店燈遙憶炯菴哉

眼眯卧咏

室靜幽光皎集虛研朱耐可點叢書敗蕉根宿冬頭
近低鴈毛明日腳舒眼眯肝家金旺後未荒酉月電

災餘情朋間闊依稀憶何不同歸散士廬

涼雨夕

事如塵染瞥眈拋不獨明譏卽自嘲第做法奇纖掃
帖妻知骨傲闊裁袍黃花值閨還添壽紅酒除禁夏
托交雨打夕庭經小劫妙觀無數遮騰泡

仍呵呵生聞柳金肝於宋子堂中癖漢魏叢書

戲寄要

和同入戲号惠甫曰金肝子用子
和欽詩話子欽自号呵呵生云

宋子堂中漆几頭手騰口念太愁愁大悲浸假金肝
化千眼無勞了百罵

三疎軒會汝五子欽惠甫

蠟燭泥爐穩做冬社朋誼話不厭濃稀星不閃幽蒼
郭鬱霧難埋泛越鍾酒政權專仍助慨詩軍圍急奈
緣慵同叅刺菊茲遊記數朶赴燈寫影重

下元夜集觀齋

月展紛紛白宵排淅淅寒螺烟生妙想墨瀑動遐觀
酒猛盃仍減詩尖字未安靈襟延夜氣睂宇蘊春密
韻友逢何濶令辰值亦難霎難其奈戀轟笑以為歡
放或歸真樸痴寧諱冷酸厚霜輝老瓦散菊卓脩欄
坐久鍾音遍睡餘燭影團曉鴻嘶咽咽羣翻渺無端

金奉常

章行

輓八首

警語耳堪砭癰容眼用醒額穹犀穩伏袍禿草渝青
魚雅物軒席蟬聯神室庭如知今日死黯黯諦觀形

士文顯有伏犀物軒汝五蹄神室太
常神室也士文時為奉常寺主簿

詎料太常會遂為永訣緣醉濃醒境現兄泣第腸牽
是事卽俄頃伊人先奄狀定隨泉下仲兆讖咄玄玄

太常之夜士文醉思其故仲兄而鳴咽
其季弟士賢亦感泣未半月士文歿

疴後題君輓淚彈筆逕昏些兒濃態去一副契腸存
可愛儒中俠不厭峭處溫呈猶皮膜外孝友大堪尊
宵哉黃土坎忍送士文理草草西田簿蕭蕭六品牌
妙年歸化遽浮世想疑比躑躅難忘處奉常寺左街

旅棺苦經紀白盡廬公髭割俸僚朋歎贖錢寺吏悲

半生情報了多日禮成之何愧古仁者艱時友始知

士文歿於旅舍貧無以歛其僚友
廬叅奉允中竭誠經紀以至返櫬

坐茵餘宿暖題墨宛新淋月畢下元眺詩終十韻吟

偃弦回舊映哀輓續同音嗅氣尋痕憶君醪染我襟

計下元之會才十四日太常
之會余不勝醉恆酒于曠中

粵惟文正裔藉甚甲申科命也斯而已悲夫奈若何

遽增才鬼簿俄缺冷官窠旅殯魂無憾楓溪甬族多

士文金文正公清陰先生之
後登甲申年忠良子孫科

眇然金主簿一死友蕭蕭痛瘡情相涉酸寒氣以招

錦波嬌影串白麓李魂銷淒苦繼孩語丁寧離魄朝

汝五曾若惠甫共賦

鷄哭寒城漢勢澄雪窗相選韻逾增淨甕異國青燐
畫團柿冬天冷沁冰各以襟情歸臘酒盡將吟嘯抵
晨燈主人遊歷南州話硯北選排六箇朋

庚申夜與朴美仲

趾源

徐汝五尹曾若柳連玉

璉惠甫朴在先

齊家

李汝剛

應鼎

賦洞簫聯句

孤竹夷齊清七竅混沌鑿

美

中虛無滯礙外發易冲

漠

曾叶絲雖突兀視笙誠簡約

五

端體一握羸直腔

四尺弱

官

飲以黃鍾律叅之黑忒龠

惠

笛竹選其伐

琴絃借之縛美四鐫肖箭籍圓徑譬錢幕官鼈頸引

其節蛇身退厥索先材稱雙骨竦譜傳無眉作惠高

歟以權輿專氣之橐籥官能成假形鳴長為知音托

曾垂額見尺木橫口勢略勾惠穴如穿螺贏指若步

尺蠖連孔頭免缺喙舌末蛤開齧先稀吸知動脅盛

吹驗聚臆官輕重拇每捧吐納鬚頻散先掩孔知於

羽放指驚或躍惠敏於起伏機慎其捍闔鑰惠嫋嫋

非瑟鏗咽咽異鼓官潯瑟空白悲蘇肅但阮愕曾

笛橫憎狼顧琴撫恠鮮攪惠天機絲不如人籟竹莫

若剛飄金能直噓弄羽似緩嚼五眼光緣筒直耳神

湊穴著先聰實無壅關塵腸可疏瀹官頓勁爪甲緊

忽急喉津涸先暗續神膠粘快新利刀斷惠直臣抽

金箸壯士伸鐵索惠牛喘每按位龜息乍連絡剛織

欲鬋殘燭放能塞高閣曾盡意乎宛轉到底而歌泊

先懷春女窈窕結夏僧寂寞先不知雲落庭忽見月

到滔連元元吹人獨潛潛聽者各五雅曲心自怡樵

調人始噓五使聽縱解瀕與論皆隔膜五足以宣壺

鬱賢乎戲陸博連和風助展惠邪心過莊騭曾俗耳

開若政病胃轉勿藥惠千秋蘓子遊一夜楚兵却美

方殘何忽忽乍弄還諾諾先餘群已無處終曲忽

如昨惠徐鮑簾頭旋時鳴簷前鐸五主人通妙設膏
觀聞大畧先以一唇為氣乃五音不錯先蓋今世彈
吹遠古人拊搏先良士樂無荒君子戲不虐剛共作
庚申會聊進歲時醵連

抄春夜集觀軒

步屨翩聯夕氣深長烟塔湧等孤岑暄和歲律人為
日坦白天衢月似心臟燭暈眸辭穩睡煖醺顰證
豪吟杏花時節裁新袷留約名亭取次尋

代人輓其族叔

戊年寅月日之剛葬我宗人德完陽截草勾崩魂浩

眇圓墳衆設事荒涼承家孝友風諸族警世群名樹
一鄉小姪於今安所仰青山大哭久徊徨

漢水舟中

日脚靈瓏水步舒春波綠闊素脰虛潛吹細沫空明
裏針尾芒須二寸魚

論詩

難齊萬品整而斜色色總瓏日炙霞喫著雖殊元一
致蠶家未必晒耕家

題潮邨宗人軸

二月清明雨墜頻漢濱泥拍滯遊人森羅盡幅春風

溢光大梅樹臘雪陳樂土吾宗堪悅話佳辰先墓最
悽神耕樵以外排碁局晴旭松棚會意真

奉和高遠亭

宿抱縑寬拜見初洞輸心肺罄無餘圖書妙契森然
境水石真機靜者居悵靈通輝明轉迴脩杉奏籟驟
逾疎終宵警語堪銘佩不遭迂狂任所如

奉和元玄川重舉

未辦尋芳會還成藉草遊午暉禽引睡昨雨菜抽頭
岡勢東轉勝林光夏最幽主人懷甚好每到輒淹留

觀軒夏集

春後相逢雅集齊客從坊北又城西太烘簷旭輝涼
竹下爽園陰澹午鷄遊約犯星聯被出飲誇銷暑一
壺提朋仍間闊情方洽且話筠簾夕月低

輓白公尚華

卿哀四十八年中辛丑寃深節度公餘恨至今銷不
盡萬松瑟颯峽之東

長連縣裡去忠碑二十二官第一治五考三年皆上
上能廉循吏李監司

八路山川遍馬蹄杜遊渾入草書題暮年病卧終南
屋敗幅虹光透壁西

紅旌粉筆寫官銜蕭瑟功名古縣監資憲大夫空影
職命宮知有壽星參

仲季令公俱白須門庭輝映耆英圖問衣寒暖今如
夢二老蕭蕭哭并扶

色養之餘英癸亥丈人為孝咄賢哉元知名父生能
子鄉里齊咨戚黨歎

今年燈夕雨紛紛內子如何慘不欣為是祖孫連血
氣計來百里翌朝聞

狀頭納拜十三霜我是白公孫女郎偉兒醇風知最
熟慚無大筆闡幽光

立秋之午同朴在先訪泉雨閣

貪嘖斯外道怡悅卽吾天
閣爽何來瀑林繁石已蟬
妙觀圓在處遐想際無邊
設色畿東宙明嵐漾媚烟
短篠飛南里輕巾岸午天
葉肥泉畔杏音勁旱餘蟬
美蔭朱樓際鮮暉色幟遶
閒營容我輩跌宕隈炊烟
夢踏亭共賦

戊子六月晦余與尹景止秉鉉柳運玉璉朴

在先憇于夢踏亭剗拾參瓜搜在先袖得白
踐於窻得煤於溪畔得麤詩成而顧無筆余
枯淡竹莖景止拂韻府敗紙運玉削酸梨枝

在先嚼蒲芽寫之于荷香蟬音濕沫之裏童

子芻參曰甲光曰鼎大

荷香妙證寂然心紅鯉搖腮閣瓦陰古翠寒蕤林滴
滴天光一線透溪溪

觀軒盆竹

著花著擬剪紅酥个字天然可破愚褪粉娟娟渾老
蝶舖青疊疊賽雄鳬針根暫被泉之惠綳釋那歸雪
所誣且待陰繁甕斗外乘涼貰酒酒家胡

七夕翌日徐汝五柳連玉運玉惠甫尹景止朴
在先同遊三清洞挹清亭九首

瑟瑟鵝舅樹疊石池裏栽倒寫秋暉淨池光上樹來
濃葉鼠足點尺石亂麻敝遙空為熟絹白描筆筆真
卯子面三隅純是泉石樹若剗眼界山應見豆毛浦
洄兒賽鳧兒斛水斗泥爛蜻蜓弄頭翅時掠出沒中
石氣之所鍾樹癯而泉馨秋士筆倍勁其音盡泓渟
送目倉屋頭秋雲朵皆亞罇青鱗鱗裏詩心忽襲娜
草香生衣履樹影度鬢頂白岳遙難即紅欄坐著吾
夏尾秋頭接新晴才數日一蟬涼槐夕脩然作者七
下舍閭青瓜上壇抨漆弓中閣無所事事殊境卻同

秋雁

不愁綿毳練翎殘勁氣之乘碧落千挾匹圓沙圍月
靜警羣蒼鶻逗霜寒陣圖背水排行整乙字書空搨
画難滯旅幽閨皆惱汝試聽涼曉涼汎瀾

澤國嘶酸暑氣殘短燭高繳不曾干彈絃帝子清湘
曉係帛羈臣紫塞寒蘆積栖安眠自在霜飈翻勁翥
何難恣遊萬里春相待滅沒天雲越海瀾

青飲樓之夕

青飲樓涼譙坐嫌醜看隣瓦暝來黔淋漓瀾漫星鋪
夕焦悴支離樹歷炎衣絢頰稜依例瘦蟲絲宛蔓盡
情纖簫穿烏竹團團孔歆奏秋聲試一拈

秋夜

泠泠如悟道澹澹欲忘形
草勁蟲吟鬱燈虛雨色青
靈襟圓亂帙幽籟赴疎櫺
待霽堪吾眼應繁後夜星
與惠甫在先將訪徐庄慙栗下

秋泉鳴歷鄰跌坐亂山中
午飲晡來湧烘烘耳似楓
酬汝五東庄韻

佛菴西畔餞餘暉
白酒杯寬倒翠微
有友稀逢今夜
曾未朝先悵各家
歸歌簫雙迸泓濤韻
淵月中涵激射輝
借設隣厨山野饌
盤蔬筐粟出松扉

九日麻浦同在先宿內弟朴穉川
宗山舍時張

幼毅間來九首

場土乾如瓦橫長馬槽腹拍拍生羽音頭邊飛未束
聯翩江馬背二石延安鹽渚田豐萊菔今冬殖真廉
誰家雨壞垣穉楓妍膩膩眼醒蔥蒨中為似紅蠟紙
菊移根不覺朝蕾午數英點綴重陽飲黃輝沁胃馨
大江橫似月中央滑扁舟青櫓開復合瞥見六棱樓
波穿赭石岸蒼蒼隱舟尾夕江闌人群魚立鬚鱗偉
矗矗古滄浪浮浮中粟島茜雲烘落暉紅明徹底倒
天上星的水中魚種種濯魄空明夕楚亭涉江誦
墨香赴花馥鼻觀俱宗然晨燈寫空影笑拈佛光圓

碧蹄店

天兵癸巳齒倭鋒鐵馬蹄勞賦土牆未抵輕僮蛄蝶
陣臨風痛哭李如松

徃徃鋤頭觸鐵丸邨娥綴佩愛團團太平生長那由
識透甲曾成壯士癥

延安府

申公城築炳幾先畢竟奇功李月川敗壘蜿蜒連卉
寇崇碑屢屢辨龍羊池蓮適用還徵稅野鶴橫羅亦
直錢飯顆延州誰為美秋荒永來劇蕭然

金沙寺

水背如弓不見洲壯遊吾且散羈愁
羣龍鬬戲潮音迴諸佛看憂地
軸浮遍滿樓棠開亦艷飛來芽
紋事頗幽年年首夏唐船泊僧
將營高海月樓

登沙峰望西海

迴立罡風不自由龍腥塵彩盪難收
時維戊子冬之孟行次朝鮮地盡
頭意內盈盈無限海指端歷歷所
經州蒼然一攬長山串七十里松
濤欲浮

曉發延安

不已霜鵝郡舍東殘星配月耿垂空
蹄奔笠影矇矓野行踏閨人片夢中

與朴進士綏壽賦

秋室蕭蕭問起居張燈軟話二更餘
輕衣煖閣趺如佛朱葉霜垣胃似
臭懶可燒菴為配享貧難麴部
做尚書祇將文雅招同里茶果情
真契不疎

贈李存仲在誠兼示李洛瑞書九二首

洛瑞與存仲冲年志老成自言并
一世相視樂平生盡是吾同姓
矧伊各有情翩翩憐愛洽每向
雪宵迎善讀陶潛集其人名士哉
外冲中蘊慧先品次論才整暇當
梅剗過存引酒盈君歸何以慰不
禁念頭來

贈盧察訪允中之任金郊

草色官袍老太常淋漓諧笑少年場酒酣卧聽荆卿
傳持柶蒼髯意氣長

驛樹禽鳴旅想紛滿斟官酒頰雙醺杏花亂落家家
權驕躍青驄赭白羣

仕則離羣不仕飢去留心事兩難為無寧去喫金郊
飯月送同人雅集資

宗人心溪光錫至席地而話

袍上青嵐色知從大姥峯趁春心緒永延月話頭滿
散坐方便石肅聽通會鍾曠庭澄夜氣驗子曄然容

寄朴在先旅遊寧邊府

李節度家黃韃馬月中乘醉無鞍騎鐵橋
出白塔迤迤眼底移人道何多遊俠氣自
慙還失雅
使馬無鞍而馳月夜前李蓋山
酒醒仍悔曰恐李炯覺知也

送李汝剛讀書北漢山中

曉秣青驄馱漢書鳴泉步步滿襟疎
何菴僧報花消息片夢迷離白塔廬

遊徐氏東庄

儔侶聯翩步屨齊徐家亭子道峯西
幽花漠漠逢僧落白月紛紛向客低
依攬亂萍多影樹七分寒雨善

鳴溪重遊政逐新來燕并宿還同對待栖

溪頭無語立亭亭嵐靄娟鮮透底青祗樹逢春初蘊
秀癯巖歷雨最鍾靈酒錢未必尋常負花信從它二
十零木石之瀕棲澹泊却看兒古又神醒

三春既望訪玄川元丈於長興庫直中

倉曹傲吏晚春尋高卧槐軒鬢蔚森弱柳千章生遠
縹新禽百種送佳音研朱點史修清課引白哦詩見
古心何幸今辰花事好夕陽無限對疎襟

端午日有懷楚亭生遊鐵甕城寄長篇

五月五日青飲館溝柳風來午襟散好鳥吻紅櫻桃

含嬌兒髻香菖蒲館是時不飲也無睡何事如夢而
似醉眼忽搖商情湊泊郊雲西圻螺峯翠佳辰間闊
朴楚亭遠地留滯古鐵城獨數既往推未來睽離之
多太勞情冷節燈宵皆若斯秋夕菊日應如之當設
何法塞吾想泯若從前未交時譬如菑蘖白地錦百
濯終難贖一朶萬樹紅霜入香山早早歸來慰長念

贈李仲純

英章

李子茅山隱伊來十載垂家風何太潔心事未全癡
叱犉耕畬遍騎驃到郭遲今春楓岳見不負少年時

六月二十三日醉

今年已過半歎歎何爲古俗其難見吾生迺可知
物情饒伺察心事浪猜疑內子還佳友賒醪快灌之

雜題

兩池閣閣太愁生拾石投鼃欲止鳴無蟪蛄根青出
字潤鱗金鯽撇波驚

風樓卧念陸龜蒙深羨逍遙笠澤中隨例名渠方外
士黜莊扶孟是誰切

雷雨蒼茫斷漆光黑龍飛入李膺堂壓勝銀字嵌劉
累無蟪霜宵石薦涼

伏日與徐汝五諸人避暑三清洞誰家石壁下

津紅桃顙買倉門行噉逍遙抵岳根佳樹蔭衣涼可
睡幽泉圍座澹無言雙榴日媚光相照羣鶴炎通各
自翻邨叟讀兵兒灌圃三清事事好風存

憇挹清亭

脩槐四四枯三三八洞初難記北南迢遞紅亭溪籟
滿連綿粉堞兩光含崩階僅辨何年殿芳嶼皆吟即
景潭荷葉欄干人影度青泉澆飯紫醪酎

與朴進士共賦

寥廓虛窓整籜冠隣樓書響入燈寒繁星雁濶光難
定一樹霜澄氣不殘白菊紅萸囊枕別涼蟲老瘁網

窠安微醺忽憶聯驢事混混亭園立立密

贈隣人

邂逅虛堂夕孤燈耿照心極幽看澹澹稍冷坐深深
星次稀醒眼蟲叢爛助吟欣吾同閑住期子每宵臨

宿汝五東庄

初到東庄萬石橫楓杉之裡見徐生一山領略無非
水終夜停當自在聲款款纔叅僧佛會澄澄共湖月
星行秋軒曠朗簫腔轉似喜如悲不可名

心溪逢李大咒

晚中

今日非虛過佳哉大咒迎看橫楓菊氣中灑月霜清

未見元論契相逢果叶情釋言吾不著憑子報先生
將往天安郡獲稻歷拜先妣墓

穉兒方睡瘦妻興留贈平安借馬來管顧藏書憑舍
弟勾當葺屋仗隣朋出城細菊糴楓嬌臨渡文荷素
礫澄歷拜孃阡吞咽淚飛霜草滿裾疑

宿心溪參時祭

溪名為号拈來心藹蔚英聲動士林甫出吾宗儼物
備秋行時祭祖靈臨階霜燭耿輝輝淨廳月香升衆
袞溪好禮奚徒資品粹蓋緣長對直齋襟

解嘲

大點知難強寧修徹底真淨名吾古戒赤口彼何人
好惹澆漓習要煩澹泊神風痕從兩耳去去信高是

題田舍

豈穀堆邊細迳分紅暎稍遍散牛羣娟青欲染秋來
畝秀潔堪餐霽後雲常影幡幡奴雁駭未聲瑟瑟婢
魚絲山南欲遂誅茅計願向田翁許半分

霜朝茗帚縛麕麕佃客除場守酒壺菁葉禦冬懸敗
壁楓板賽鬼揶寒厨田家古董灰青椀邨女莊嚴火
色珠綿帽二翁低耳話使君新到政平無

紅米為醴暖欲霞甌冠學究日相過園丁所获腰鎌

最
是
初

憇溪女挑綿首帕歌
啞稻霜陂驅白雁
蔭貓陽塢護黃花
旅愁消遣它鄉話
卧聽深深土簾窩

農家月令補新篇
霜旻先占卯色天
魚種晚生纖勝指
鷄孫具體大於拳
寬衣健婦醇風返
頓飯癡男慧竇填
謠俗那愁遷目境
細斟邨酒抱書眠

茅菴搖蕩櫺籬牢
煖服涼巾快快豪
好酒今人情轉勝
寒花值我韻最高
農家凡例幽風画
秋士鋪舒楚國騷
聊試今行將隱峽
亭臯日涉不辭勞

兒腮茅額夢分明
覺卧它鄉二百程
郡士新交譚部借
畿朋歷別贈聯成
非楓雜樹都紅竟
旣雨長川忽

冷鳴辟呬庄童親近語卽來此屋始書聲

客中逢曾若時曾若將遊白馬江

尋常離合不悲歡分外相逢意稍寬語到淋漓卽酒
引一生難忘此時顏

家書傳致語酸辛獨自熙怡對故人聞道諸朋秋葉
散徐君惆悵最傷神

蕭蕭旅馬隔籬鳴未見其顏已認聲喜汝如從天上
落相逢無語是深情

夢見奇書覺後非雖存餘味字熹微政如君到還離
別閃白楓間上馬衣

瑟碧寒江漾客舟濟王宮樹不禁秋只緣當日龍耽
馬唐將靴痕石上留

白老風儀不補才留傳雅龍小龍臺為詩試贈扶餘
奴莫遣魁梧比擬來

波光盪射翠軒詩亭壓滄溟拍拍危空裡玄花難覓
拾西欄獨悵夕暉遲

笠聯句

公嘗與朴燕巖柳冷齋同賦笠聯句多有脫落者今只取公之所著十四聯畧

錄于此云

金華輪雅致青筠饒風味結盟粵人自止閩箕邦謂
雨冒紙類草塵刷毛肖蝟燥髭乘雨霰綴膠藉火帽

護髮時娑娑俯肩蔭蔽蒂可加飯顆甫寧資椎髻尉
比丘圓覆孟頭陀踈結尉取輕鋪玄髻憐細編黃卉
耽羅薄於綢高麗染如翡平頂天穿補玄規月蝕既
面覆睡暫悅腋挾超詎歛恐濕撐繩糾惜污套匣衣

麻湖奉和從舅朴公

後原

行逐青鷗去去邊櫓庭好值月如船襟前廣漠江園
雪眼底平鋪樹出烟古屏梅查譚往事秋籬菊辨記
童年良宵何幸陪先輩煖酒盈壺對蕭然

有洪三洲
墨梅障舅

氏嘗種
菊成田

遠步春泥水舍邊冰江晶晶閣渙艍詩情浩蕩纖初

月酒事淋漓，流夕烟乍迴。寒汀悲古里，快看晴雲詠。
新年那堪內第城中去，展軸回思一悄然。

三疎軒雅集

係鞋行趁早，暄天午酒淋漓。抵夕烟交許，晚生襟始。
澹賓添未至，座初圓。餞冬剝雪峯，腰滯嗣日繁星樹。
杪懸刻却濃纖，呈素樸癯容相對檜林前。

和吳雲巢

載紹仍寄南樵夫有斗

還閣春暄藹藹還，令人頓古鼎彝間。寢郎烏帽能忘
世，樵者羊裘偶出山。墨幅寒峯延秀氣，蠟函青竹護
癯顏。半醺無語何其迥，好取君清補我閒。

在先來宿

輝輝書室白，宗境證幽燈。
見酒愁隨散，為詩意與凝。
麤心吾未聖，專氣爾其僧。
因靜而求動，墻風攪睡能。

和東隣

適會詩罇又，此亭欵花青。
樹意冥冥同隣罕，見交如水宅。
客新逢，聚似星古砌，貞松根。
四據虛庭，素鬢影雙停。
好拈燈畔弇州韻，句欵圓來二鼓聽。

初集徐汝五新移之廬

聯袂徐廬好，客攜書童出。
拜檜棚西重，逢鷺匹紅襟。
獎并挾春雛，粉臆鷄被了。
纖烟細雨惱緣它，韶柳冶。

桃迷人生到老遊難每頂趨朱顏酒約齊

太常東臺

左眺宮壚翠勢深池明礎白匝修林為伊風味方齊
集有箇機緣此再臨被酒全剛今世態衝花快展壯
年心前人誰最東臺樂無語官枏老十尋

夢踏亭

金艸芳池潑刺聞波先忽閃日穿雲島其頓悟言應
了花也良能性那分一任須着跳瀑洙故教衣履褻
嵐紋熙熙自適紅欄客縱謂非朋暫與群

集東岳詩壇翫它客賦詩

選勝名園記約明遐峯緩眺粉堆城樹皆二百餘年
物花最清明以後情縱酒不知誰氏會聯詩無愧古
人聲吾曹獨惹名賢想悵別壇銘石髮生

六角峯玩花二首

社東殊眼境日白蔭茅家鄭重曾遊石周便遠看花
夕泉偏潔淨暄樹任歌斜六角峯名陋欲將美号加
天晴衣正麗遊隊出家家綏洽知時雨遍濃得地花
社林青靄集宮石紫暉斜莎淨何煩席臺東影互加
舍人池閣

到處探芳好怡神便是家崇樓丁字整圻砌哥窰斜

池鱣魚捎絮垣馨鳥攫葩數錢修禊女綠袖避人遮

病餘有感

病餘槃水、碗瘦頰洗知高翡翠光何艷芭蕉體不牢
置身誰坦坦役志舉勞勞敢詫雙眸炯於書勝佛毫
南漢東將臺同樵夫心溪賦

空外飄永影峯嵐抹淺青境宜初夏集詩最夕陽聽
雜樹精華溢荒城氣勢停旗竿留壯蹟豪想與亭亭

青莊館全書卷之九

庚午春卞宣傳
永植久之書



青莊館全書卷之十

雅亭遺稿目錄二

詩二

雨中乞酒于醉玄子

苦雨被酒戲書

雨屋搖筆

馳筆次袁小修集中韻

奉贈直齋秋日隨大夫人之谷山府

中秋放醉縱筆戲贈楚亭子

秋晚不寐



共邊逸民朴在先宿觀軒

花石亭遠眺仍渡臨津

善竹橋

滿月臺別朴美仲白永叔

東脩之金川

青石洞午食出金川郡

菴秀

黃州月波樓

練光亭觀燈

大同江泛舟

謁箕子墓

嬋娟洞

謁崇仁殿

留贈吳中軍載熙

長歌贈楚亭子謝餽紅酒

滯雨在先秋室夜來月星朗然

秋日讀帶經堂集

出巢禮門渡漢江聯句

生白堂留贈魚君瑞錫九

十一月十四日醉

辛卯仲冬十六夜霽

春日偶題

和趙處士行龜韻二首

桃花洞

代人輓人三首

題金弘道畫扇

題金弘道藕花鷺鷥圖

夏日卧病三首

偶題二首

病中戲吟以諷友人

信筆有感

苦熱

秋夜使童驗草蟲
股鳴脇鳴

奉酬趙處士

水標橋詩共惠甫諸人賦六首

柳惠甫前作病齒詩慰我今落矣仍步其韻

蟲也瓦也吾

素玩亭春集三首

幽蘭洞逢趙處士

送趙處士還山次其韻

雨中留元若處

有鎮

麻湖共惠甫穉川賦

江行

題朴蕪巖漁邨曬網圖

早發坡州時與蕪巖冷齋作關西之遊

菴秀次惠甫韻

洞僊巖

雨中同蕪巖冷齋金又門沿洄綾羅島西微醉

篷底信筆各賦

舟中望浮碧樓時雨益密

題金進士養中壁

贈吳士賓

觀濟

澹園八咏為平河郭封圭

執桓作

題湛軒藏杭士墨戲帖

素玩亭奉和金嚶嚶子

用謙

聞汝五吹洞簫

墨溪會林龍邨配庠李聖締

喜經

朴在先李聖

欽喜明

金舜弼

龍行

同賦

奉次洪澹水菴

希泳

韻兼示曾若舜徒二首

落木菴丈人喻余詩以清廟之瑟齊房之芝為

詩贈之不勝愧感步其韻以上

代人賀人壽

素玩亭一鶴墮井作詩以吊

賦得春服初成麗景遲二首

賦得誰知沮溺賢

宿麻浦贈釋川

寒食日沈蕉齋念祖同賦

夢踏亭雨

三清洞晴眺

雪香館紅梅盛開共沈蕉齋沈進士分著賦

暮春獨酌

柳和仲煖德山館

三月晦日詩壇雨中

雨中訪玄川丈與二三友生同賦

秋日同金真宰允謙元玄川二丈聖綿聖欽若

虛登朴醉琴松壇後樵麓

洪湛軒大容園亭

素玩亭夜賦二首

素玩亭冬夜小集

和甬雅君主人輪回梅韻兼示鄭耳玉琇八首

初春奉酬趙處士

看花趙園

與曾若飲社下扶醉而歸翌日曾若寄詩仍次其韻

素玩亭暮春

聽松遺墟次曾若韻

君子亭同汝五聖緯聖欽永叔諸人觀射

挽金戚丈並行

幽蘭洞

端陽日集觀軒

秋日病起

賀人夫婦周甲

有人生於其祖之周甲及逢己之周甲率諸子
姪輪行祀與宴

廣州途中

龍仁道中

田舍雜咏

田舍讀篋衍集

有感

牙山白巖同李繼叔

漢述

夜訪朴斯文岐陽

經素沙野

果川途中

柳川曉散

銅雀津

奉別從舅朴公遊羅州

尹仁之善大書舍新成次其韻

題趙山人續古鏡重磨方次朱子韻

次趙汝克德敏寄詩韻

九龍山途中與心溪聯句

李大器秀野茅堂二首

高遠亭奉次金直齋鍾厚韻

青莊館全書卷之十



青莊館全書卷之十

完山

李德懋

懋官

著

男光葵

奉杲

編輯

雅亭遺稿二

德水

李晚秀

蕙隣

校訂

詩二

雨中乞酒于醉玄子

釀法君厨羹盃深未認醒
篇朝謀一集槽夜惜孤聽
待餽喉方燥憶斟鼻頰馨
僕去簑衣綠莫愁雨入瓶
苦雨被酒戲書

地濃天漏坐逾旬
圓屋幽脩雨脚臻
負氣自疑天下

士尸身還是海東民詩腸大抵秋聲正道味伊來夜
氣真逢著無難交契好書中往往會心人

雨屋搖筆

屋在中央雨忽濤虛簾謾坐觀高高雛蛩軟展琵琶
翅雌蟹濃呈玳瑁膏瘦相借臨羅漢畫許心傳玩薩
摩刀隣姬揭甕醪香越政讀離騷合典袍

馳筆次袁小修集中韻

恬聽廚婢詈無稽不廢吾吟靜室居通體可堪長野
酒雙眸未忍暫拋書凶楞甚黠緣絲罽衣摺工逋脫
粉魚益悟寬閒元快活梅花十畝手當鋤

鯉

疴餘試腕寫叢篁幽事相仍靜却忙品果逢秋能效
用韻禽巢夕盡求巖雲呈異態綠蒸暑樹變深蒼待
抹霜有佛瞳中觀小劫方來現在霎時香

雙板寒寒永晝扉離羣不入俗人機故持雨色襟中
貯盡拾秋精筆底故譚柄縱長誰授好心香歆細可
貽稀最憐剩鯉饒情緒向我殷勤掠帽飛

人自悲秋我悅秋性根嚴冷也相猶百弓距道纔迎
塔十笏量庭恰置樓名士元羞錢孔隱通人一閱洞
場遊書生有氣聊磨耗快駕滄江健帆船

戒語吾聽聽又言恥從裨販入多門果肥將剝霜為

令禽暘當嶺雨是恩壯氣蕭森秋後見真心藹蔚夜
來存今人於道皮毛涉譬似知津未遯源

幽憂雖亘詎着顰如塑凝然膝淨茵午運未終欣降
我丁年方值昧資身次寒初警肉塗眼礮礮將鳴硯
剔鱗程課一生真贗辨樣難入俗孰能馴

沈冥寧就醉鄉封安有男兒態色濃大地華夷人似
蟻衆生今古孰猶龍心其有浣當盟水跡也無纏可
隱峯癡絕仍之遊戲了中懷繫節邁貞松

紫盪油燈坐著淚了無一事劇相侵度天鴻客安身
策守夜蟲朋苦口箴雨墨露箋通無意烟書嵐字助

下瀟是瀧

文心倘逢瀟瀟靈襟士把臂行當永入林

奉贈直齋秋日隨大夫人之谷山府

夫子胡為遠出遊板輿扶護卯君州天倫樂事圓如
許送者當離莫浪愁

雖暫留停亦典刑西雲生色峽增青
遐人眼孔玄如
豈視在尋常太守兄

箋註秋因古禮家熙怡道貞籜冠歲谷州梨子紅紅
沁剖析微言快似它

中秋放醉縱筆戲贈楚亭子

山水友朋性命之夫然後謂善男兒平生一見緣猶

在間日相逢契可知於古也求凡幾輩似秋而感更
伊誰嗟乎僕本畸人耳欲會其心願察着

秋晚不寐

祇把全趺補半癡隨人恥做强淋漓太無滋味推移
厭差欲流芳樹立遲佳友倘逢輸肺腑名賢劇想現
須着青天管領吾行止事到違心順遣之

共邊逸民朴在先宿觀軒

靜宵佳會恰初齊松自無彈竹不啼素志披眞眸豈
隱玄言析妙耳難迷月梭細仰遙通鴈霜脚斜明急
動鷄跌宕剝占吾事濟書聲圓朗燭東西

花石亭遠眺仍渡臨津

朝暉紅盪帽簷霞籬子低低一二家
老李先生曾筭室
皇華使者昔停車
衣明樹末江成月
鞋暖城根逕
入花轟飲故令搖櫓緩東坡店外趁棲鴉

善竹橋

血激轟椎走水中
羣魚拂鬱鯁皆紅
持毫滿蘖橋痕
紫寫出悲詞泣鬼雄

滿月臺別朴美仲白永叔

東脩之金川

繁華只博草油油
彈指之間五百秋
閒拾剩磚礧響
憶細椎崩礎柱圍
來雲歸水逝英雄
氣花若鳥啼猿

客愁豈謂興三千我甚離情仍惹淚潛流

青石洞午食出金川郡

萬樹歲蕤裏行人冒綠光
飫聞名不左恣覽意殊央
青石厓纔已金川郡始當豁
然初涉野低日馬鳴長
蔥秀

飄帶花鬢石影圓靈泉如乳
滴涓涓攀蘿若測峯高
遠恰想垂猿百臂聯

黃州月波樓

酒浪春衫濺紅娥賣眼留江山
真氣勢今古孰風流
斷岸橫蟠郭虛汀峙樓黃州知信
義急管緩鄉愁

練光亭觀燈

棗騶晨林古黃州
穿出修林洩始流
戰伐飛騰疇昔
夢漁樵問荅等閒
愁觀潮靜對平鋪
石俟月先登第
一樓巧值吾行初
八夕千燈散豔異
鄉眸

大同江泛舟

姪婉汀花撲暖香
紅樓影倒水光光
羣娥一字官舟
穩眼尾勾來宕子腸

永明寺裡桃花飛
浮碧樓前水靛肥
西舫怱怱衣影
纈澹黃街月半熏歸

謁箕子墓

何異殷時謁小臣祗鞠躬縱非吾土降還幸此墳崇
聖譔仁之一夷歡道乃東裂碑倭恨殺靈或震泉中

嬋娟洞

嬋娟洞牕賽羅裙剩粉殘香暗古墳現在紅娘休說
豔此中無數舊如君

謁崇仁殿

檀君殿謁孔宮瞻神聖之隣廟更嚴道寄姬書陳蕩
蕩詩開鮮雅詠蘄蘄危踪昔被佯狂髮遺裔誰飄亮
肖髯不受周封元自到孟堅為志本心拈

留贈吳中軍載熙

不有慙懃接邢成爛熳遊何年重入郭三日再登樓
客頰醺相映妓眸媚欲流回頭堪惜別惆悵上官舟
長歌贈楚亭子謝鮑紅酒

不隨桔槔勤俯仰贗詩贗文恥依樣口口苦縣漆園
語心心鴈宕龍湫想茅閣三層雨聲裏腸雷輶輶熾
飢火迺疎不曉半箇事自稱李顛學兀坐壞色苧袍
馬尾巾幽吟永歎刊塵根隣鼎炊聲越牆殷里甕簞
香透簾散津津何以鎮吟脾裁書楚亭乞一瓶鮑如
丹砂出蜀井滿注不任心熙怡

滯雨在先秋室夜來月星朗然

暝色戎戎赴礪樓
雨歸欣覲月橫秋
鬚翁忽古泓停
境中服仍清莽
渺遊譚到靈均
非俗物想來逸
少自名流涼生
以後初逢汝風
味須於酒裏求

寒峯戍削護虛樓
上有騷人善感秋
不是譜書評画
事也須眠石漱泉
遊酒鱗纖感紅如
染飯顆均馨滑
欲流世味能疎方
耐久楚亭之外我
何求

小重陽日楚辭樓
坐擁幽隴一壑秋
夢聽橫經童子
問因思熏燭古人
遊華星照地蟲皆動繁露紫河雁
盡流歲序堂堂如
是逝百年長願素
心求

臨水登山到子樓
離羣政恐負高秋
圖書自足供吾輩

絲竹那能抵此遊嗜酒弱年多妙理論交半世罕
清流伊來結習空詩律掀盡髭莖漫興來

秋日讀帶經堂集

沈寥秋令樹先知任忘暄涼做白痴壁靜萬蟲勤自
語簾虛一鳥慣相窺拋它錢癖如將浼呼我書淫故
不辭好事中州空艷羨堯峯文筆阮亭詩

出崇禮門渡漢江聯句

辛卯季秋廿四日與心溪步自白塔之北渡
漢江日將晡抵九龍山下秋月軒聯句凡廿

四句

旭朝衣光潔

官

霜霄眼精棱宮表紅出迥

初

立凝市酣如蓬沸

官

譙舊類鳥騰饗爲泛爲底

初

點最能麻墨對郭園

官

關祠倚坂弘雙步翩以齊

初聯詩藹欲興細瀑稍淨耳

官

幽松頻疏膺江遠玄

逾靜

初

沙虛浩更澄赭攝凉飈引

官

薤棚霽景憑覘

影驚已午

初

騷年惜未登野醺盪肚今

官

曾岑丘聳初蔚

初

澗陂拖仍泓

官

生白堂留贈魚君瑞

錫九

始識君懷好開樽欣共遊團圓謀永夕惆悵餞高秋

問字品何古餐英襟更幽松風鳴謖謖奇氣故難收

十一月十四日醉

縈蟬馨橘素心存餘外紛囂我已謖舉火焚空終自
息持刀割水復何痕癡之一字烏能免博笑羣書雅
所言磊落乾坤茅屋者商聲高奏永晨昏

端居情境默然澄孤迥難堪念遠朋松黑南山烽逾
耿月繁中里塔多稜梅花冷魄還誰閣書帙幽光聚
我燈物色潛滋冬至後頭頭皆是具良能

穿穴璫瓏擁百家總為煙影遮時過緣渠好古迂如
許得一知心喜若何階燈恣遊憑暖煦盆魚善泳抵
洪波寰中萬事皆消遣酒想纏綿尚不磨

小玩纖娛境亦恢敗簾篩旭眼花猜臆蜂蠱蠱廢因
脚盆卿瓊瓏妙在腮一日那無遊酒國百年吾欲隱
書堆只承寫意忘其似鑄蠟新成品字梅

辛卯仲冬十六夜雷

辛卯南至前一日月哉生魄夜之乙婆娑城客趙夫
子共坐讀書歡促膝方其悟時心俱適雨忽地擣窗
天劈閃青陰火棄眸光孤燈色沮搖難赤玲瓏眈眼
燦堪訃絃絳屋脊劃欲啓萬膜雲藏一顆目天光蠕
蠕黑黃界稚兒竄衾婦掩聰嘖我圍繞劇倥傯蟻蟲
微臣安所知震懼天怒省其躬雷當衆陰貴不據未

侯陽生太躁歟驚定欲編五行志不知何祥不敢書

春日偶題

一年春光花萬樹空山流水淨照面芳草如剪蝶道
粉靜士心朗無所罣煙垞烏犍年然吼自任其真蹄
自遣

和趙處士 衍龜韻二首

歸舟暫滯百花稀話別窗燈境轉微半擔圖書滿灑
去黃驪江上夢遙飛

相思何似別懷難詩札西飛慰稍安滿紙丁寧皆雅
誨為藏衽裏二三嘆

桃花洞

白山南畔廟宮西
蔥鬱名園逐望齊
麗景行罇喧赫
頰芳陰駐鏐匣銀
蹠好禽多選丰茸
樹幽草偏綠
晚溪除却雨風春
不負明朝又約鈿
亭隄

代人輓三首

君吾并降甲辰年
同志同僚伯仲然
事事平生無不
似獨憐今日送歸先
兒殤舊日痛難支
放酒傷生却恨誰
試聽尊爺晨夕
哭一般父子斷腸悲

佳節名辰奈爾何
零星舊友只悲歌
長隨趙李諸君

迹地上朋稀地下多

題金弘道畫扇

蔥蘢者樹石玲瓏皓鶴孤峙藥欄紅頻婆海榴綠且
朱花斑石牀葵尊俱癯癯綠杖青臺手眄睎蕭閒立
侍後道人肅倚花梨几眼光溜溜素畫裏畫中名理
神湊泊五指爪勁塵堅握

題金弘道藕花鷺鷥圖

一鷺如春一鷺鋤身雖皓白役於魚蓮生泥底泥無
染清艷那能不愛渠

夏日卧病三首

病或回貧得謀身奈太疎
螳階豐素粒蝸壁耀銀書
藥向門生乞粥從內子
並猶能耽卷帙結習故難除
機閑吾豈習節目士當疎
與聽濃纖話寧觀礪礪書
骨高荷桶製腸潔菊堪茹
庭草看生意不令稚子除
蔥菜綠揮汗炎天腴理疎
取辭親屢飼頗悵友稀書
輕雨熏臺織淡煙覺塔茹
覽茲涼意暫宿疾願言除

偶題二首

浮生鮮得利邴安淹殺辛
賦又苦酸任運騰騰皆順
境何難八十一番難

昂腹飄髯觸熱忙好鞍好馬孰禁當
一承宰相寒暄

語到處誇張大寵光

病中戲吟以諷故人

孟生多病故人疎
曾謂斯詩太過歟
我蟻如今朋斷
字始知前輩語非虛

信筆有感

獨照英英秉志澄
米鹽零瑣管無能
長懷盛暑披裘
叟久寂淫霖累
飯朋中國文詞如
善玩古人心事庶
可承逍遙便欲怡
襟抱海內名山想
只凝
簾光圍繞炯然吾
畫永虛齋一事無
醜石生衣通體
好澹雲無蒂任心
娛學先起脫非朱
嫡詩太依模即

杜奴久靜元知銷暑法涼生壁半藕花圖

苦熱

毛孔洞開汗雨蒸潑紅炎旭壓簷騰冷然欲入那羅
谷冠珮璫瓏五色珠

秋夜使童驗草蟲脰鳴股鳴脇鳴

星子如眸瞬不眠秋河一匹淨鋪天聆蟲暗伺涼最
裏怒脇驚須直躍肩

奉酬趙處士

聞葉澄江趙倚櫻佳辰憶我奈涼秋懶翁縹緲波搖
塔神馬嶙峋石出洲為聽瑤琴勞遠望欲貽芳翰惹

新愁如今種種懷難已
林子云來不共遊
敬菴曰與林反配屋

遊驪寺拈一律
倚炯菴求和云

水標橋詩共惠甫諸人賦六首

翩翩宮隸茜袍紅
獨雪難禁飽袖風
刺眼元無如此
艷瞥時經過水光空

瞻暗日脚女牆紅
剪剪青門樹末風
直望城根橫水
鑰鑄凶的歷漏寒空

煖帽風穿酒力消
迤迤白影是長橋
淒迷忽作汀洲
勢衰柳烟霜近似遙

潛居鬱鬱氣難消
瀟灑繁華具此橋
水月觀音無乃

我白衣縹緲踏烟遙

燈火脩廊射兩邊虹橋暝踏一冷然願移西子湖中
藕朝暮朱霞夕綠煙

遠衣無徧北南邊鞋響蹄聲輾輾然薄雪平鋪沙嘴
濶鳬翁九綠穀紋煙

柳惠甫前作病蔭詩慰我今落矣仍步其韻

我蔭清比二汴浙根堅不煩厲以石紅矧如簷蠹不
館寧拔虎髭撈剔索挑姬元無擲梭辱抗主那有斧
撞責不戒飯砂陰為賊左下門蔭災偏劇譬似紅亥
砲撞堞兩堅相搏轟而若無補桃枝借神茶何賴鹽

滓請膠鬲鯢震毛孔汗爆迸喋啗不暇喚嗟惜欲落
不落搖復搖久與台狎無間隔今春奄然辭我齒且
恥語音節其濇此豁縱非緣衰老一缺那復完血脉
吸酒嘗恐汎濫勢喫餽長惡嶮岼跡骨節芭蕉元來
脆一任風雨鳴策策

蟲也瓦也吾

蟲也瓦也吾苦無才無技腹有氣烘烘大與人殊異
人謂伯夷貪吾怒功吾齒人謂靈均詐吾嗔裂吾眚
假吾有百喙奈人無一耳仰語天天眸俯視地地眇
欲登山山斂欲臨水水痴咄嗚呼嗚呼嘆噓唏噓唏

觀頰頰敝敝肝脾熱煎烹與均貪詐於汝何干焉
姑飲酒謀醉因看書引眠于于而無訛還它蟲瓦然

素玩亭春集三首

每度西隣靜冷然兩共尋散襟嫵薄暖移席借輕陰
軟土勾紅藥芳夜習翠禽小詩綠境得隨意宋明音
名園高閣俯領略盡烟光鳥大頭番子林饒閨月香
詩圖賓主品花曆雨晴量是外渾煩惱無違晤話長
昆季皆始好百回不厭尋酒叨成小雨花魄返繁陰
秘詭銅青石媒韶褐色禽聆君一轉語勝似迦陵音

幽蘭洞逢趙處士

靈襟秀朗照芳春
澹坐松根境更新
細數一生今得意
桃花開盡見高人

送趙處士還山次其韻

百種禽鳴雨點稀
梨花時節峭帆歸
春江綠漲書艎重
穩逐烟東粉鴨依

雨中留元差虛

有鎮

人謂春何永
吾嫌煦不遲
賞心留好客
極意過良時
大地蒙花影
遙空滿雨絲
怪來生甚異
被酒輒能詩

麻湖共惠甫穉川賦

邂逅綠芳夕
烟濱置屋安
樹暄圍翳翳
繁蕊著無難

江行

憐花行拾墮來花陣陣光風帽任斜孤島劇青潮忽
白艖卽突兀刺晴沙

題朴蕪巖漁村曉圖

了無人響翠冷然永晝矇矓柳絮顛啞呬桃花魚盡
恬漁罾閒曠漾如烟

早發坡州時與蕪巖冷齋作關西之遊

斜月未窺燕子巢虛窓馬秣聽蕭蕭僕夫罷睡矇矓
語也到臨津紅日高

慈秀次惠甫韻

嶙峋壁影倒川青輝映當年幾使星鉞石皆堪增畫
譜乳泉還恨漏茶徑先洄一曲憑仙榻欲攬真形上
驛亭日夕溪翁那識此再來吾自羨長停

洞仙嶺

樹深何處坐黃鸝不露其身只送轂日午衣鞍都係
影櫻花如粉向人明

雨中同燕巖冷齋金又門沿洄徒羅島西微醉
篷底信筆各賦

邂逅殊鄉慰暫違汀林演漾綠陰肥徒羅地勢流將
去麟馬仙踪渺不歸一任高欄頻打舫莫辭輕雨滿

吹衣親朋小聚謀長醉那管前朝有是非

舟中望浮碧樓時雨益密

浮碧樓移轉糲糊辨柱形乍逢閒步驚凝想靜居龍
孤郭迎潮整亂帆入雨濃青青後島麥停棹羨明農

題金進士養中壁

眼慣西京樹綠何我到頻翩翩名下士款款意中人
紅飯箕田豆解看涓水鱗勝它前度別留滯洽盈旬

贈吳士賓

觀濟

含毬門接井田隣京客來遊眼境新借我奇書仍贈
酒異鄉人似故鄉人

澹園八咏為平河郭封圭執桓

作執桓因同邑人鄧師閣詩

其繪穀園詩集于洪湛軒屬公為序又與冷齋楚亭次其集中八詠以送

素心居

梅妍助幽獨竹靜鋪空係虛室無餘氛攬茲當春屬

來青閣

眼去青峯來青峯來眼麼無論去與來且放雙扉開

鑑影池

蓮房綠鳥翻蒼帶紅魚迅映葭玻璃堆鱗翎一揭印

飛霞樓

寒空收急雨斜涼初濛濛日出聯餘映虛樓彩翠中

松蔭亭

涼影濃於酒幢幢十笏地起居飲食中所見無非翠

語花軒

香國一生住憐伊姊妹媽為修瓶史贈十幅冷金箋

嘯月臺

那能無硯礪秋士當寒宵試學空林鬼寒天月動搖

留春洞

花繁不須喜花墮未為愁願脫綠情見跳跳活著眸

題湛軒藏杭士墨戲帖

陸篠飲雅字起潛浙
江仁和人潘蘭坡庭

箇字香祖浙江錢塘人興洪湛軒有蕉其書
畫多在湛軒所名杭士墨戲帖

不願中書不願仙孤懷偏側井鼃天一生堪羨湛軒

老陸海潘江獨遡沿

陸海指起潛潘江指香祖

畫裡桃株玩至今因花明澹戀疎襟三吳才子三韓
士地角天涯照片心

素玩亭奉和金嚶嚶子

用謠

聞汝五吹洞簫

澹翠遙空遍蟬吟倏叶簫丈人頂髮古幽院晚涼饒

墨溪會林龍邨

配屋

李聖綿

喜經

朴在先李聖

欽

喜明

金堯弼龍行同賦

孤舟昨浣綠蘿襟水色鮮鮮潔至今名下無虛傳古
語見來如舊獲余心垣葵一丈多情螻蛄隣杏東西對

坐禽盤馮紅瓜涼雨際主人歡意快供吟

奉次洪蕩木菴

希詠

韻兼示曾若舜徒二首

伏火通紅棗袖爐書程浹月只伊吾水庭契托冬青
木雪屋神遊暖翠圖朋以稀逢襟始好酒於徐引累
全無百年頻得如斯境要用牢騷缺唾壺

紙窗安穩雅襟齊談次微醺抵日西冒雪空林鳴近
遠曬暉羣雀睡高低翁惟慧眼許蠶尾兒亦英才讀

馬疏礪礪玲瓏明季史後生於此莫令迷

犬表章阮亭詩又嫺

於明清之際對語纒纒其子舜徒時讀莊子

落木菴丈人喻余詩以清廟之瑟齋房之芝為

詩贈之不勝愧感步其韻以上

丈夫知吾本也詩為憐能不染於時慧非白也緣金
粟榮甚房公獎紫芝水月鏡花元未耳蛇神牛鬼詎
如之雖然自被新評鴈願葵心香喫做師

代人賀人壽

未必耆英獨美前恭惟盛世寵遐年渾身恩澤
廷帛滿室和音法部絃天下堪傳諸賀帖古來誰見
此華筵君臣大耋尤稀有狼宿煌煌壽筭邊

素玩亭一鶴墮井作詩以吊

賓來說說縞衣翻遲暮遷延峴首園倘使羊公看赴

水輪回因感井中魂

魂逐銀瓶是返期為吾心惻井欄危
翛然萬古雲霄志恐被龜兒大笑之

耿介羞為雁鴨曹緩山又聞戛雲簾
無寧踏下如船藕毛綠靈龜伴與巢

玉立終朝鬲許端油油碧甃水光團
頂紅欲較誰深淺直抵熊然箭鏃丹

賦得春服初成麗景逢二首

樂意翩然步履移初裁白袷趁春宜
新鮮柳暗花明地輕暖鳩鳴燕乳時
芳飈晚晚吹襟永和旭氤氲照

袂違夏綌將看遷節序已聽灌木數聲鷗

冠童隊隊步俱遲恰愛身邊白袂宜鮮潔正堪和煦
遍輕溫一任澹風隨襟飄浩蕩連天絮袖纈悠揚到
地絲纓濯沂波憐綠淨真機觸目藹然知

賦得誰知沮溺賢

遙想耦耕意何人似此賢猶龍颺柱下歌鳳開車前
屏迹甘懷寶千名笑聚羶如非由也識寂寞永無傳

宿麻浦贈釋川

初春顏色喜相看燈結疎花酒漾瀾冰鯉不眠思底
事沙鴻多警惱無端烟纔落蕩鋪新白月最妍鮮逐

舊團境到幽微方促膝宋人詩話補餘閒

寒食日沈蕉齋

念祖同賦

園閣微疴養輕寒剪剪騷書程嫵蠹尾詩品戎蠹腰
芳樹精初現嬌禽乳正勞佳辰逢韻友憐聽酒鳴槽

夢踏亭雨

紅欄旖旎擁羣芳絲雨終朝滯畫堂欲試睂稜淡淺
醉生衣乍整照回塘

三清洞晴眺

雨止還思咏暮春眺來光景逐眸新花濃燁燁供晴
樹衣穩仙仙澹醉人鶴鷺微風移積翠松杉麗日宿

纖塵樓臺細數觚稜炫忘却金沙偃墮巾

雪香館紅梅盛開共沈蕉齋沈進士公著賦

坐玩梅芳極意纖况經絲雨昨輕霑多憐宿艷能侵
帙盡許生香故透簾畫永縱教它樹發春殘猶行此
花添繁紅不比凌冬白頂使詩心画譜兼

暮春獨酌

鼎鼎年華入酒卮初因莽宕轉無為身將隱矣書何
著學未成焉命始知通體迺惟當世我寸心交是一
生誰贖多真少經來慣隻眼如今獨自持

柳和仲

煥德

山館

葡萄吐蔓牡丹尖坐久芳陰綠滿簷小醉冷然無一事話從花史樹經拈

三月晦日詩壇雨中

梨花澹宕雨絲絲酒後高歌咽似悲庭蝶粉遺禽韻改悵然春未夏初時

雨中訪玄川丈與二三友生同賦

我來不藉赫號書為愛青林翳子居磊落拈膈支菜果零星閒話箋蟲魚同抄暝飯厨烟歇獨曬秋衣郭雨疎已遂東州長途訃宅年願學把耘鋤

秋日同金真宰

允謙

元玄川二丈聖緯聖欽差

虛登朴醉琴松壇後麓

坵南行復歌佳蔭得圓松譚次評高閣指頭譜遠峯
秋晴皆勁氣夕景頓清容勝事堪摸画深歡二老逢

洪湛軒大容園亭

高人秉潔操耿介中林廬獨彈歐邏琴清商滿大座
匪直寄遐想幽憂自不除所思遙難即漫把新杭書
溫溫嚴夫子素心雅而疎磊砢陸孝廉夔吳遍名譽
文藻潘香祖燦燦氣荀蔬天涯結知己存沒多悲噓
賤子側聽歎慰君聊虛徐東方一士高只可予友予

素玩亭夜賦二首

萬井渾渾一線浮
數弓奚翅達鳴鷄
烟晴屏柏衣初
映葉脫盆山髻始齊
忘了形骸元土木
拙渠窮達各
雲泥
讐書讀
匝蕭閒
供暫不相逢
送赫蹏

一擔烟霜涉暝溪
唬多蠟淚到聰鷄
吳談不厭襟懷
放采律何妨氣力
齊園樹迎秋紅欲
染階花卧雨皎
無泥
酒鱗瑟瑟挑
豪想五鼓堪鞭
蹏月蹏

素玩亭冬夜小集

詎看幽扉鳥寫凡
名賢瀟灑籍仍咸
西洋鏡白眸開
眩南國鋤紅胃鎮
饒園月飛窺寒卧
屋橋霜鳴送曉
歸衫淋漓得意今
宵酒記取
溪盃硯北銜

和甫雅宕主人輪囷梅韻兼示鄭耳玉琇八首

余鑄蠟為梅毛蕊紙跗皎朗堪憐金進士逸

如思義以名醞一壺買一板又與鄭耳玉作

七絕以為左契輪回梅者余所命也花釀為

蠟蠟鑄為花相循環也

品字分明映縹緗堪餐秀色借書香指頭春氣氤氳

活花史新增鑄蠟方

膽瓶安插賽明玕膩粉暄妍破嫩寒一寸樓臺金翼

使猜疑不復蜜脾看

逢蛭夙結轉輪緣現了雙雙姊妹聯若使真花開著

眼澄鮮一氣肖孫憐

過去魂憑現在生還枝宛憶百花精主人情較孤山
士磬口如聞細喚卿

耐紙蕊毛劇費神誤來偷眼雀應嗔何入瀟灑堪相
偶云有梅仙字子真

蠟啼金谷怨齊奴爨盡輕明雪撲膚試看如花樓下
墜綠珠冤債報凡夫

新嵌蠟瓣素伶俜馭鮮查交女字青龕灑銀泥鋪月
地玲瓏幻境影翻形

沾梅那必直交第一楹相當十許英痛飲伊今緣手

辨長為花賈亦芳名

初春奉酬趙處士

幸接新年面冲然道氣深襟明城雪麗擔重岷雲侵
堪佩精真語終披坦白心欣逢還惜別難盡我攸欽

看花趙園

忙趁芳菲任劇顛便衣軟步又機緣杏附全坼條風
幾棠莢先敷穀雨前遠閱薇茫豆入境纔離十丈壘
鷄天酒濃雀睡鳩鳴際半晝消閒可抵年

十字官街柳始顛名園選勝綠溪綠鳩音獨靜紛翬
外鷺羽遙明澹翠前社樹皴鱗通御氣宮池貼面閱

先天花鬚刺眼拈還笑細白深紅較去年

與曾若飲社下扶醉而歸翌日曾若寄詩仍次

其韻

當樽衰適轉幽微瀾漫同歡酒所歸半日猶堪期
酌三春寧使負芳菲眼爭空翠搖將飲永犯華星灑
不稀醒後寄人偏諱醉那知澹宕是真機

素玩亭暮春

書香熒几藹難收帶孔新寬病沈休豔羽聲嬌皆挾
匹柔條花重併垂頭九分芳景將成夢陸續濃陰且
慰愁亭主蕭閒頻歡酌松棚坐惜麗暉流

聽松遺墟次曾若韻

宛見徵君昔所停墟松謖謖滿清聽澗香亭午浮花
紫岳冷崇朝過雨青盪日遊絲千堞繞縈風飛絮萬
家零傾樽磊落歡相說我輩誰鍾此淑靈

君子亭同汝五聖締聖欽永叔諸人觀射

梨花澹宕撲衣盈紅閣回頭緩泛笙牢記歡場圓雅
集粉戾南畔逕微明

挽金戚丈

益行

百年間過了吉祥止一門庭梧羣峙鵲洲蒼并棲鷺
醒世襟期潔薰人氣味溫緋桃經手種花發祗傷魂

幽蘭洞

百種嬌禽變響新
流光又屆夏頭旬
幽香隱谷憐堪佩
芳草緣溪悵可茵
罨畫真成金碧境
瓊瓏疑化水晶人
酡紅不厭飛觴屢
抵夕攀花亦宿因

端陽日集觀軒

的的榴花繞綠枝
綳簾透影午暉移
篆烟欲歇茶鳴沸
政是幽人讀畫時

秋日病起

寥廓秋凶病起新
乾紅冷碧藥花顰
蔓槎樓櫓蜻蜒客
輓閭閻蟋蟀民
全藁抄藏朋好事
寒衣典盡婦

安貧雙眸暫放斜陽際屋角雄虹抹色均

賀人夫婦周甲

頭白夫妻罕古今輝輝南宿映雙襟稱觴堪賀同年
降懸恍方歡舊甲臨盤果爛如仙島橘階花香鬱壽
泉斟梨顏蒜髮期偕耄祇是芳緣夙世深

有人生於其祖之周甲及逢已之周甲率諸子
姪輪行祀與宴

悲歡交集孝思長遺裔輪回各獻觴人世百季昭穆
次歲星三甲祖孫當初屈鄭族修新祭追壽朱宗檢
舊章禮逐情生兼祀讓丁寧儀節詔諸郎

鄭永麟漢
集云四月

一日乃始遷祖初生之屈行一獻禮業孫元人也姚
孫露書云南州宗室親死者遇十生日領追壽焉族
人俱禮謁業大
明宗室朱氏也

廣州途中

指點鞭梢問俗頻
鳥飛盡處是誰隣
仄暉山忽雄黃
潑冷暈天將夕色
敝草際踳跚輸稻
馬楓中繾綣負
芻人吾行未必愁
羈旅現了関荆画裏身

龍仁途中

黃草纖纖石磴微
土饅頭畔樹盈圍
趁鞭形葉回旋
舞跳笠紉蟲的歷
飛經夕腹便紅米
飯當秋身吉白
綿衣一灣霞作膜
脂艷負手寒邨井
字扉

畫譜詩箋觸境舒森羅光景悟如如晴未瑟颯行當
聽夕葉紅明展可書落照牛歸孤樹逗曠郊人語澹
烟廬一叢嘈囀無名雀解覘忘機故近予

田舍雜咏

帶葉籬根卧特黃天晴魄魄打禾牀酣霜雜果勻丹
漆哢旭寒禽迭角商聯絡田塍蛛布網附離隣落躑
粘房羈愁試逐佃翁飲耳熱楓間我酒狂

南程信宿不知貧午織晷春事事真京洛衣冠溪女
玩湖西謠俗社翁陳客食蘭塢牙齧蕊馬飲魚陂眼
映鱗試解鈔書巾篋貯較諸家讀味尤新

辭家二日却忘勞米園禾園到處高語慣蟲魚通甬
雅性耽蘭菊擬離騷游龍曲折乾紅柄吉貝團桑黥
綠韶夕杵縵休厨火耿香騰土釜煮溪毛

田舍讀篋行集

顧影蕭蕭斗室空阮亭冰叔對書中腐譚姑許蝦鬚
客歆態難禁豔歎翁有口何嘗餐細菊開眸元不賞
妍楓此君縱鹵猶真意勝似京城冶兒童

有感

農丈人星曉映空烟霜衝冒稻陂東酸鹹已熟長貧
日冷暖偏經久旅中親老那能辭鄙事才疎端合役

微躬譚非景畧何捫
蟲姑把溫顏對社翁

牙山白巖同李繼叔

漢述

夜訪朴斯文

岐陽

顯忠祠迥白巖圓邨影濛濛
靜晝眠遙夜河明三五
宿虛郊水白上中田
厓霜颯集蛇鳴
夏嶺月橫翻
虎氣羶特地張燈詩話久
盆花逾馥照襟娟

經素沙野

訪古行行策馬遲
圖經曾讀縣州知
鳧史舊國城墟
宛麻貴荒營戰狀危
歷吊田中弘慶寺
來尋店畔大同碑
催裝背指成歡驛
官樹邨烟景更奇

果川途中

田間秋物眼堪娛
豌豆纖長萼黍麤
鴉舅受霜光欲
映雁奴辭冷影
初紆松埃何爵頭
加帽石佛雖男口
抹朱催策蹇蹄斜
照飲牛宮南畔是
官途

柳川曉發

歸馬駸駸與月奔
稀星殘火澹紅渾
犬如豹吠殷荒
店鷄作蠅鳴逗遠
邨冥漠君寒長著
睡華胥國遽暫
還魂斯須衝過矇
矓境霜旭天東盪
紫痕

銅雀津

冷紅京樹著霜紋
霍霍空艍櫓響勤
頃刻花惟鳧外
浪飛來峯是馬頭
雲鞋彈錦石何時
了扇拍金沙竟

日紛水店夏衣催起郭旋歸久旅得無欣

奉別從舅朴公遊羅州

天涯旅食易冠即搖落秋冬一馬黃快典朝衫提酒
榼閒焚諫草馱詩囊筠田月素看鬚冷橘戶烟青笑
語香遊子莫愁歸夢屢潘南縣豈別人鄉

尹仁之善大書舍新成次其韻

為貯嘉賓丈室添欣看秩秩似翬簷營東樹蔭涼歸
檻苑北峯嵐翠送簾暖閣孟傳香蟻泛晴窗書檢粉
魚潛贈詩珍重無它禱文會長期四美兼

題趙山人續古鏡重磨方次朱子韻

金膏拭得按新方，為是苔花翳鏡光。
宛對晴窗依舊面，快如窮子始還鄉。

次趙汝克德敏寄示韻

快脫綺紉習山居，夙歲營細斟呈古態。
清咏動遐情俗子攢眉對佳朋，把臂迎多憐時入郭蓬華訪迂生。

九龍山途中與心溪聯句

迤迤古廣州，芸芸初夏月。官絡陂偃星，宿崩陵露黥。
別初隱石，整為甃浮秧。舖如筏，官神舒謝阮，壩詩峭。
勞鍊師初蹊，逕尋奧坳。園陵禁壘，堡官巍赫瞻鈞。

藏溪嚴想王伐初

此下多缺

李大器秀野茅堂二首

始辦妻兒貯安閒過二冬茅明簷受澗紙翠戶延峯
長老因花集宗人與月逢冷然隨意到吾亦野夫蹤
居迴難知暑對暄不怕冬璫瓏雨過樹窈窕春餘峯
澗色澄遶語園香藹處逢補閒書帙內夙歲秘高蹤

高遠亭奉次金直齋

鍾厚韻

研道寬閒野先生隱者齊澹花縈晚石幽草漾晴溪
數郡烟相近它山林皆低亭名斯可悟堪滌眼根迷

青莊館全書卷之十

庚午春卞宣傳
永植久之書



青莊館全書卷之十一

雅亭遺稿目錄三

詩三

四月題心溪舍

贈友人


春日小集

次某人鄉居壽席韻

代人輓友人

奉贈愚夫湖南之遊

秋雨客至



兩屋適飲名酒讀自周世至明季節士畸人遺
事磊落慷慨以為下酒信筆書之

次元若虛寄韻

騎牛

壽李質甫母夫人元氏六十一懸帨之辰即元
玄川之姊

代家大人又吟一首時玄川先生從龍門山下
至

輓鄭禮儉

贈別鄭童子光理歸白鶴山中

潮邨宗人

光燮

和仲舍遇心溪楚亭同咏六首

潮邨水上次朴楚亭韻

李生弘載持酒來話

寄人

瓶菊

謁尤菴宋文正公影幀

中學謁晦菴先生畫像

秋日醉題

留軒逢趙老人

贈人

秋日夜飲

西湖水樓奉和金嚶嚶子先生

用謙

奉別李丈

燭歸隱盤谷

十月十五日即事

歸鹿亭阻雪

題香祖許批詩卷

寄潘香祖

讀李雨村粵東皇華集

題雲龍山人小影松下看書

柳彈素

琴

饋李雨邨所贈落花生

雲龍山人生朝為柳彈素作

次薑山韻

題彈素幾何室

輓南仲有

德鄰

六月十三日共曾若惠甫在先賦

論詩絕句

夏日閑居

輓李遺安齋

輔天

次金忠齋先生謚弭宴韻

重陽翌日携楚亭留心溪秋月軒

夜到潮邨智叔家同心溪梵亭賦

訪素玩亭

途中雜詩

野塘

論詩絕句有懷
條飲兩邨蘭垞薑山冷齋梵亭
奉和素玩亭懷兩邨之韻

田舍

陽城途中

秋宵雷雨旅卧
佃屋率爾而成
痛飲太白

夕陽

卽事

秋夜遣悶

野行口號

旅懷

戲次前韻

絕句二十二首

梨洞任家墓下作

人日立春薑山楚亭袖詩來贈仍步其韻

人日贈薑山冷齋楚亭

上元夜次秋席舍人韻

長句贈薑山

鐵腳畫歌次薑山韻

次旂公元夜韻

正月廿八日焦觀齋

落木菴小醉

苑署奉和嚶嚶子仍呈玄川

讀顧亭林遺書

題尹曾若遊閑山島詩卷

渡臨津奉和書狀官蕉齋沈公韻

吹簫橋次在先絕句

青石洞

藥山東臺

鴨綠江

向九連城

遼野

遼陽尉遲塔

混河

廣寧途中奉次上使蔡公

濟恭

韻

廣寧縣記所見

北鎮廟

十三山

五月初一日十三山述懷

寧遠州

中後所店舍見海棠花

威靈臺望見山海關

題撫寧縣徐紹芬家

夷齊廟

樵子店憶李文蘭

薊門煙樹

太學有感

五龍亭

沙窩堡賈老人歌

敬次百雲先生韻

有懷潘秋庠

有懷李墨莊

有懷李鳧塘

有懷唐駕港

青莊館全書卷之十一



青莊館全書卷之十一

完山

李德懋

懋官

著

男光葵

奉杲

編輯

雅亭遺稿

三

德水

李晚秀

蕙隣

校訂

詩三

四月題心溪舍

蒲聽情話影隨齊漏日輝、銀杏西越熨曹村雛始
大倭花丙舍朶難低密青稻末袈裟卧纖潤魚簪正
練溪芳綠四來沾野笠冷然如悟谷神棲

贈友人

茅菴曠靜快晴霄。暝踏虛光不憚遙。翳。春精庭欲
靄。云。雨。映。礎。先。潮。同。庚。者。罕。詩。尤。異。二。子。之。歡。氣。
豈驕片語亦知緣。葉宿許它光景意中描。

春日小集

日白春青靜板扉。高樓讌坐客疑稀。輕颼剪。經花
眼微雨絲。褪蝶衣。婀娜煙能幽。草覆丰茸樹可飽。
禽歸踈簾滿。貯蕭閑。氣報荅韶光。酒莫違。

次某人鄉居壽席韻

衢樽湛綠醕耆民。恩遍鄉鄰退老臣。鳩雨燕風三
月候。梨顏絲髮百年身。卽開毛宴邀黃耆。齊祝頤期。

獻紫宸此會明春知更設飛花依例聚為茵

代人輓友人

公昔新婚我弱齡居然鬢髮各星星
一生友誼元無比不獨傷心是弟兄

有才無命却誰尤靈老當今第一流
器局文華兼備者蕭瑟官銜判原州

旬月相離遽至斯森森頽髮事堪疑
州人兩泣孤舟訣波咽高江櫓響悲

奉贈愚夫湖南之遊

鞭絲帽影伴歸鴻匹馬行穿萬樹紅
收捨秋光成一

擔水晶峯迴月璫瓏

秋雨客至

寒林搖落晚時序又深秋倚枕空千憲開樽散百愁
栖雀知時隱宿鴻得氣浮客來頗慰意歸屐雨聲收
雨屋適飲名酒讀自周世至明季節士畸人遺
事磊落慷慨以為下酒信筆書之

離騷痛飲讀如呻腸裡車輪轉百巡經史還尋千古
士圖章深刻大明民心常欲哭通身鬱人盡無情
到處辛莫問寰中誰卓犖朝鮮吾輩又兼貧

次元若虛寄韻

隨緣自托信天翁現世豪情又酒龍
澹醉難禁孤笑
設書城周匝據當中

騎牛

空山一道叱牛行坐覺背皮似席平
才著一身安穩
了更無餘地置功名
岩花捎眼睡才驚政看斜陽角末明
行處山童爭拍手
笑余叱咤似書聲

壽李質甫母夫人元氏六十一懸帨之辰卽元
玄川之姊也

共指南山積翠巔夫人壽祝萬仍千
斑衣試舞萱闌

裡繡幌重懸華戶前
讌席隨暄簷轉旭
歸鞍趁暝郭
鋪煙阿郎劈牋諸賓授
願續毛詩景福篇

代家大人又吟一首時玄川先生從龍門山下
至

客自龍門雪白巔為渠尊姊歲析千盤傳細菜
濃秋後甕揭新醪漲臘前
左海籌添柔拂翠南山盃接栢
含烟弟兄垂老還堪羨
主席先吟飾喜篇

輓鄭禮儉

濃綠林中皎皎衣
清泉澆飯坐移時
花生草活君無
見悵望前遊僅一暮

霜朝佔俾對儵然紅紙頻簽大學箋圖朗書聲今在
耳妙年難得似渠賢

眉眼冰清氣味馨斯人天豈與遐齡從吾數月君何
得三疊宸詞一部經

贈別鄭童子光理歸白鶴山中

自抄新書滿十弓黃花時節鯉庭趨相傳草木與魚
學勸爾山中撰譜圖

潮邨宗人和仲

光慶

舍遇心溪楚亭同咏六首

試覓牛鳴處渙梁曲折深紅蘿飛屋角素藕守潭心
山遠橫波軸天低劣覆衾清秋吾事旺一席二知音

溪南秋樹屋信宿意彌深漫咏非令體微醺即古心
夕階霜響屨晨牖月窺衾習靜山居性煩嫌一鳥音
鷄杰厨人語籬烟薄暮深半黃楊委髮純赤棗呈心
溪急妨提網嵐寒慣擁衾牧歸聽扣角端的是商音
吾家恬退志終古卜居深亂樹通寒夢孤雲托遠心
明時休誓墓清夜不慙衾落魄誰如我秋詩發勁音
嘉樹先人種陰庇丙舍深果香盈袖口楓影倒盃心
懶雀寂窺硯驚蛩寒躍衾欲翻黃稻打魄、屬何音
娟二秋月子於道覺精深牛飯藏高跡鶉衣貯潔心
晤言勤剪燭宴息幸聯衾頗務陳言去詩耽伯敬音

潮邨水上次朴楚亭韻

荷屋朝光細引盃離情歸意兩相催我如衣上蜻蜓
立暫去那無暫復來

李生弘載持酒來話

晴窓閱蠹鬱書香恰有佳朋細勸觴側帽秋光都入
眼天青雁字寫來長

寄人

屋角微紅帶夕暉深觴遽勸迅如飛泓停蕭瑟中唐
響直到星繁聽不歸

瓶菊

亭二孤蕊向秋暉雌蜺多情墜紛飛移抻膽瓶勤惜
護忍隨凡卉寂寥歸

謁尤菴宋文正公影幀

風泉悲響百年無扶著皇朝只此圖獨占堂仁田
地好東遷南渡孔仍朱

中學謁晦菴先生畫像

生遠千年地九千遺書漫抱小朝鮮攀瞻影子難為
意忽自驩然又泫然

秋日醉題

敗絮寒蒙菊枕斜濃酣搖筆字如鴉百憂千慮驅除

了硯沼泓澄落眼花

留軒逢趙老人

莫嫌無竹栢招隱自寒栖雅集秋暉淨幽期夕月低
柔黃煩雀闥楓澹聞蟬嘶瓦落詩翁筆爭看軸首題

贈人

蠟囚人語響微冷坐初深秉燭揩青眼傾盃拓素心
月蒼羣雁影霜勁百虫音段李遺風艷堪題漢上襟

秋日夜飲

茱香菊氣滿秋衣踏月幽人塔畔歸細檢前宵觥記
注詩中酒話盡精微

西湖水樓奉和金嚶嚶子先生

用譙

汀月微黃緩照樓樓中賓主盡名流
靈襟洒落形骸外飽頰丹砂一白頭

奉別李夫

煥

歸隱盤谷

拂_二荷衣悵莫攀掉頭城市入雲山
長鑱好鑄如鴉觜擬斲青岑藥草還

詩禮諸郎滿眼前老爺清健地行公
人生若得如吾丈不羨腰間萬貫纏

課讀山窓記勝書偶因紅樹縛茅廬
田間去請龐眉叟草木多名辨可茹

紅葉溪烟拾作薪擔頭偏重尺來鱗山家畫意饒如
許已有橫綃米友仁

十月十五日即事

下元名佳節云自竺乾經飛霜映素月寒輝滿一庭
庶母紉壞綿護我清羸形孺人勞弱腕帛杵鳴丁
衆雛眠如蠶紙窓燈焰熒老親譚疇昔排惻涕堪零
聊謀慰苦情勸婢沽渌醺獻酬懷怡悅申戒說丁寧
弟鼎長跪肅阿駒敬恭聽小子雖不敏庶幾其典刑
謂言童時教到老心骨銘樂哉祖子孫半宵湛
瓶

歸鹿亭阻雪

瞑步翩_二訪紫峯君惟蓬跡我萍蹤典刑真老丹青
古間氣靈翁篆籀濃半畝池虛含白水三夏雪急壓
寒松空嗟草木同漸盡剔燭凝看酒後容

有李凌壺篆及金真

宰畫
二屏

池北書齋曉影沈樵青沽酒返虛林葛藤相戒休繁
話薑桂同期守苦心羊仲頻來松迳熟馬卿多病雪
園深閒中紉演先天數已喜微陽抵積陰

題香祖評批詩卷

柳彈素八葉抄巾衍集贈潘
香祖香祖喜而評騰故寄此

詩

專門漢魏損真心我是今人亦嗜今晚宋晚明開別

迂蘭公一語托知音

寄潘香祖

日晏薇郎退食初名香手藝勘新書筆端舍利舍利

大散落天東塔畔廬

弊廬在塔下

讀李兩村粵東皇華集

兩村名調元字羹堂四川羅江人號雲龍山人

與柳彈素相識寄其粵東皇華集及小影又聞公深於爾雅之學另寄落花生一包十二月初五為羹堂生朝彈素每集觀知西向滙酒

梅花嶺外五羊天到處珠娘樂府傳珍重星橋評隲好詩情清麗斷霞妍

題雲龍山人小影松下看書

澹紅口角竇頻婆卷裡烏絲燂眼花夾々裝池呼欲

出神怡心醉奈儂何

牟尼佛唇如頻婆色

柳彈素

琴

饋李兩村所贈落花生

樹有嵇含狀外名辭枝結子落花生從君手裡傳吾口別樣香津心肺清

雲龍山人生朝為柳彈素作

綿州萬里看比隣自定神交意轉真歲々餘冬初五屆遙飛一盞賀生辰

次薑山韻

幽憂耿々不眠魚刺眼榴花夏五初何事田園歸計

晚棲遑未了鈔奇書

題彈素幾何室

鹿眼疎籬影斜雄蟲狂
鶚菁花間評香品沈速試拈
茶名芥羅

東國寧嘆鬱々中原滿說津々子語渾如昨夢吾心
宛是前身

輓南仲有 德隣

沈吟搖筆想云々在昔何人可擬君欲借西崑長吉
傳畧加刪潤為銘墳

清絕如君不死何吾鬚未白吊人多嗟々玉貌冰心

子初不相交豈哭它

娟妙詩情慧竅鳴研光小綫淺硃評玻璃白眼踈星

漏宛是伊人現在精

前冬仲有有玳瑁
白眼漏踈星之句

六月十三日共曾若惠甫在先賦

真口晴霄現火雲對樽涼閣細論文閒踪到處饒清
事晤話移時捻異聞菊婢眠風輕粉落蘋婆病雨淺
紅分留連恰值街頭月共趁歸禽各命羣

論詩絕句

三崔一朴貢科賓羅代詞林只四人無可奈何夷界
夏零星詩句沒精神

牧隱黃蘗圃隱唐高麗家數韻洋二問誰融化金元
宋櫟老詩騰萬丈光

泊二潸二祗生時身後何煩惱棗梨真箇白雲村學
究竹龍蕉鳳一何癡

夏日閒居

病起頻嫌笋簟清焚香藥坐喜初晴癡人錢外知何
事名士書間寄一生日淨孤花濃蝶睡風沈遠樹泛
蟬聲紅於鞋鞢憐沽酒頤洞憂端快掃平

輓李遺安齋

輔天

十五年前記納涼杜郎門對一株桑城西老屋滋紅

薊瓊屨寧者屢下堂

步涉春溪流碧芹為憐娟好訪郎君
函東紅旭看

遍話到濃時啓齒聞

公家在城西芹街

牆東避世隱君儔品藻寧居第二流
高士傳修才子

壻慙將諛筆謾千秋

朴蕘岩趾源即公婿也

紅旌曉發月稜仁梅雨初晴指廣陵
海左清風吹已

了青山埋却玉壺冰

次下
落金

次思齋先生謚號宴韻

緬想行藏已卯年黨人碑裏大名懸
旂常公議垂千古錦誥恩馳降九天
風化三方曾建節淵源二老早

叅筵鳳岑遺廟歸然在榮謨詩成永寶傳

重陽翌日携楚亭留心溪秋月軒

題襟遊子漢南歸搖落蕭辰未授衣半擔圖書黃葉
隲一叢砧杵白煙扉瞻依丙舍驚寒露惆悵丁簾櫳
夕暉多賴吾宗頗好事盈二邨酒竿如飛

昭代歌謠遠古風不妨自號牧鷄翁輕霜初下楓金
艷淺露新收稻盡紅樵迳細分銀杏北書窗遙辨添
林中朱魚去漉潮溪曲得二歸來拖畧童

夜到潮邨智叔家同心溪楚亭賦

夕溪鳴十里清聽一冷狀書屋尋紅樹渙梁涉白煙

佳賓携月到賢第掃霜延不寐團藥話燈花別更妍
賒酒溪童返主人頗會心月梧雙雀影霜豈一蛩音
柔下留寒夢蘆中聽遠吟聊箋捫虱話勝事傳詞林
羨子明農志孤筇日涉園野童驅雀卧溪叟趁魚喧
牆栗跳紅殼畦菁抱紫根朱_々擲紅粒霜旭招鷄孫
訪素玩亭

舒嘯聊登落木臯清霜樓閣影初高夕陽生色留花
埒秋水無情斷石槽養鶴園中添一口招賓座上設
三毛休嘆歲暮多愁緒天與優閒餉我曹

途中雜詩

行仁摩詰詩裏處仁倪迂畫中烟白禽如渡海溪清
魚若乘空

箇仁珊瑚瑟仁刺叢紅顆青稊正翹側刷懸啼鐵脚
二三六七

落景無非畫苑雲頭抹過臙脂明黃老樹魚鮓細綠
遙山佛髭

粉羽塘中右軍紫花膝上諸葛明滅寒烟夕陽歸鷗
端坐烏犢

寸馬豆人歷仁楓天棗地茫仁亂樹勾勒竹勢澹雲

兜羅錦光

鴈字何天乙
禽言特地庚
偏長落日柳影頓急
清秋織聲

野塘

虛明半月陂
綠影菰蒲積
繡頸雙鳬雛
梯波飛滴
論詩絕句有懷篠飲雨邨蘭垞薑山冷齋楚亭
句襲荷風竹露清
因詩悟畫總精英
何年入洛才名
盛自是雲間陸士衡

蜀產伊來足勝流
揚雲太白亦君儔
命辭真得詩人意
卉木禽虫筆底收

聯詠樓頭舊月懸
湘夫人唱想夫憐
飛卿名字安仁

姓詩句如何不妙妍

潘室相氏著
舊月樓集

蘆山明澹且妍哀偽體詩家別有裁
看字上升書卷氣渾洋流派海東來

詩到冷齋不可刪
頭二寧有字難安此真文鳳非虛
語芝麓梅村伯仲間

楚亭瑟颯別開門
才氣瓊全古罕聞詩品如將諸佛
喻東來第一達摩尊

各夢無干共一牀
人非甫白代非唐吾詩自信如吾
面依搥衣冠笑郭郎

六子聞名見面知
不才如我幸同時
津二到處逢人

語結習非徒浪好奇

薑山冷楚入精微天上不知地上稀老子時叅談藝
席如磁引鐵竟同歸

百年交契馬牛風香祖醒園暨篠翁七子詩壇如夏
筭不知誰是李攀龍

奉和素玩亭懷兩邨之韻

消遣閒愁付太空靈犀祇信炯然通三秋獨送東方
月萬里長臨北地風日出漢城占語鵲天低淚水憶
歸鴻向誰說此纏綿意暗祝寒宵見夢中

田舍

硯囊書倚托田童雙雀嘈
一樹紅屋角偏明殘照
漏吾家宛到蠟函中

陽城途中

野日荒仁尚覺遲長亭驢背弄鞭絲
寺墟石泐觀音像官道風磨太守碑
飢歲何人能共醉蕭辰無處不宜詩
經來虎藪追前侶孤店烟青認夕炊

籬落零星槲葉鳴吳家山迴路初平
佛幢烟外毫光寂院額楓間粉字明
埋沒衣冠知野態溫存酒食見人情
力田荒歲那能殺晚稻緩收早麥耕

秋宵雷雨旅卧佃屋率爾而成痛飲大白

竭來田圃旅思新秋士牢騷痛飲頻
悶仲豬肝嫌自累顏生驥尾歎無因
丁寧有眼堪千古珍重知音只數人
蕭瑟處度歌曲怨寒閨歸夢瘦妻嬾

夕陽

剛得消搖草澤中柴門日送沒雲鴻
縠紋溪濶歸羣牧碁局田平立一翁
沈屋寒烟無限白映衣秋樹可憐紅
夕陽休歎黃昏近且待斯須月出東

卽事

自剉霜芻喂瘦驢邨風漸慣卸鞍初
青山缺處時沽酒紅樹園中獨著書
牛馬去來秋水外漁樵問答夕

陽餘閒人到此還多事朝涉荒園暮偃廬

秋夜遣悶

深知麋性樂林皋混跡耕樵士始高
白月人眠驚冷枕清霜馬齧響虛槽
書生安用曾中甲畫史為加頰
上毛歷數先民誰卓犖遼東願作管寧曹

野行口號

翁仲蕭々敗塚斜夕陽無數送寒鴉
擣浦石出漁人逕了字溪分野叟家
遠葉飄零何郡樹餘香斷續某
花自往秋末風霜厲戍削殘山減綠螺

旅懷

某字下有邱字

落木淨滌月一庭山中獨夜枕遺經古來齋志頭搔
白何處開懷眼拭青歸夢悠揚鳴暗水羈愁厯亂耿
寒星稻舡裝送吾當葢十口飢應盡鵠形

戲次前韻

東阡纔過又南皋驢背騷人野興高客子無錢著罄
索誰家有酒聽鳴槽那令李白成三影祇見楊朱惜
一毛頓飯朝晡風味短青山不語笑君曹

絕句二十二首

紅葉埋行踪山家隨意訪書聲和織聲落日互低仰
菴危孤磬飄村靜雙砧急遠客悄無眠寒峯白雨集

試步黃昏逕田明吉貝花暗泉祇聞響鳴咽歷誰家
新修耒耜經間評魚具詠前史隱淪人太上不傳姓
如纂農家禮先勸田神祠明禋賈忠勰虔禱祀勝之
雲影魚鱗白山光靖眼碧堆阜無高低枉塗代赭石
昭代崇文教民風日漸訛願遣勸農使祈行力田科
屋腰全埋葉樹末半出烟荒山易成響犬聲時磔然
村醪沽未來纖月照無寐忽訝窓前是飄莆葉走地
綠酒透瓶香寂然時入鼻天佐研光綃鴉墨落三四
夕照紅牛耳對山斲碧花癢摩稀葉樹聶々翻婆娑
妻兒不須憐大是欺人語他鄉饒餅食却著亂心緒

豈獨閒情賦洵為白玉瑕不知陶令意止酒却如何
情勝人何難閒中試屈指先輩玄川翁吾宗秋月子
濕元若虛申元朴次修愛人如恐失豈非情勝流
慣聞多名草貪者異色禽今世無漁仲誰能識苦心
儵魚玩終朝初到聞聲集再來香餌垂一一鑽萍入
才難古所嘆往歲失雙玉穎昭張幼輔淵雅鄭玄穆
仲醇評伯敬不辭稱冷人伯敬真我輩今時無仲醇
痴人談古詩喜斥元明代何如是元明茫然失所對
絕句最難工唐人別具性錢起江行詩摩詰輞川咏
石磴樵人細遙村一火紅川原堪入畫都在遠觀中

梨洞任家墓下作

悄悵步墟里郊原杳盈矚振衣入踈烟翹首憇寒木
陂水明如鑑照影雙屬玉梨洞非名勝聊堪慰幽獨
荒崖懸石磴虛澗著茅屋遠樹或無板遠人不辨目
路分任家墓落葉填深谷惻々難為懷夕日殘碑讀
念彼冥漠君久已捐榮辱牲石雖深刻眼光不相續
祇是在世人藉此傳遺蹟反想銘文者亦應化殘勳
所以曠達士堪笑不堪哭

人日立春薑山楚亭袖詩來贈仍步其韻

冰硯寧勞呵筆頻暄妍竟日坐陽春古來難值復佳

節分外欣逢兩故人月地幽櫳流素影梅天巾被浣
芳塵著書元自窮愁得誇向真交且等身

人日贈薑山冷齋楚亭

朝日清且和淨掃焚香室春物紛悅性藹二歸吾筆
幽情師造化目擊道不失閒展北宗帖獨把南華袞
林鴉歸方急隣鶴鳴未畢遙雲舍雨意明澹間穠密
清齋位置整天然髹几一

謀生一何拙不掩風雨室詐愁妻無裈頗憐兒好筆
逐二紅塵子終年岐路失飢讀當珍膳獨抱先民袞
咀嚼無外嗜此樂何時畢銷愁招杜康錢兄交難密

人生諒不偶函三而超一

炯然靈襟昭秦粵可同室論品不論跡頑硯媿銳筆
駉蛩雖非人甘草貽不失奈何芳年交解到八九袞
離合在片言難保初與畢寧為真相踈莫作假相密
願言各書紳同心貴貞一

來徃盡名流奇香藹一室冬春迭代謝綠鬢禿如筆
願言貞素履百年齊得失熙怡對罍爵蕭閒展籤表
斯晨又斯夕伊吾事佔畢靈襟緣習靜妙契在藏密
曷哉歲寒交各自抱真一

不見勞夢想間濶嗟異室跌宕冷齋詩道勁楚亭筆

淹雅舊山學孰得孰為失種々殊不乏清言動盈袞
叔巖作鴻寶老夫能事畢想來出展讀字々春蠶密
此真天下士那可闕其一

妍々一株梅宛在伊人室春燈映苔檠絢感馳渴筆
凶間鼠尾梢比影毫無失疎蕊落青樽暗香飄素袞
整巾拈花笑玄談丙夜畢咀芳高懷淡嗅馨真意密
持此證襟期花中添友一

青陽建人日吉祥止一室淨拭鸛眼硯斜拈鷄毛筆
自誇清供饒何歎真境失故人研光箋二詩敵百袞
爽如袁家梨香津呈露畢愛玩句八妙珍巖情却密

今年獲如願好事此第一

上元夜次秋庠舍人韻

家二橋畔出闌干漢山州大地春初到中天月正流
歲心空舊詠矯首只聞愁聯袂玉河路不知誰共遊

長句贈薑山

扶柔若薺國如萍韋為識字男兒身玩亭偏鍾英秀
氣無乃長白山降神新城帶經堂瀟灑秀水曝書樓
嶙峋登樓上堂步武高惟君庶幾斯二人由來嚙矢
即老夫竊比雪樓之謝榛近聞吳蜀出才子宗王補
失壇坫新前茅博洽雨邨李後勁俊逸秋庠筠左拍

右挹兩詞伯遮莫退讓甘僇臣錫鬯貽上合為一快
倒書廩傾詩困亭林逸民夷齊流榕村學士程朱陣
我愛伊人讀其書津口又向知己陳子試心摹手追
來莫恨枯死滄海濱海濱僻矣云誰知慎勿誇人人
應嗔

鐵腳畫歌次薑山韻

我輩豈非磊落人不堪寥寂出小枝近正之學別俱
解鳥名為雅花是甫爾雅先從心眼細惟其有之是
以似此妙誰向談媿仁渙仲韋出吾宗李吾宗玩亭
令渙仲拈出箋疏頭仁是我試遊戲摸鐵腳渲滌顏

色爵弁紫細碎么膺翎觜具意匠頗能費料理頭如
顆蒜眼劈椒哨么噴么活紙裡伊令鑑賞捨君誰果
然透得畫外旨茴香睡鶯紅蕉鶴趯趯祇是庸畫史
書生筆氣常人殊畧寓微情君能揣兩鶉忘歸羣雀
保石湖小詩如提耳以此題詩畫意明慎勿飛入王
祥里安枝不羨黃鵠志却笑陳王輟耕耜綿毳不愁
刮地風數粒盈膝斯足矣何處山木不宜集梨棗梅
杏竹桐梓

次旂公元夜韻

散步天街十字通嚴夏初夜聽丁東新年一國禾竿

白習俗千家蜜飯紅酒影迷離傾澹月衣香陸續湘
微風太平粧點春如海落筆翻二看戲鴻

正月廿八日集觀齋

漸看餘寒九二消韶風宛二返千條心同風鷁長思
退跡似秋鷹不受調卓地雲山都瘦骨媚人烟柳祇
纖腰難禁樂意懸孤席醉眼花生劇盪搖

落木菴小醉

逆士翻二似竹溪雲臺北畔路乾泥澹黃新柳千條
弱暖翠遙山一抹低謀婦貧厨餘臘螳招賓幽院設
寒鷄閉門卽是蕭閒境不省囂塵鬧馬蹄

苑署奉和嚶二子仍呈玄川

石逕天新雨光風轉碧蕙白頭上林令邀客歡把袂
先輩盡凋落晚生頗秀慧慨想節士植松陰寂然憇
酒中雜小諧芳辰樂盛世曷哉吾黨士雅馴作嘉惠
讀顧亭林遺書

亭林天下士明已獨潔身今世尊周者不識有斯人
烈皇殉社稷捐生多布衣天下無不有毛姓忍能譏
題尹曾若遊閑山島詩卷

詩情跳蕩海爭雄椽筆樓舡破浪風雜種生心緣大
陸妖氛極目歇長空陳劉戰伐須臾史蜃薩筑人烟一

片鴻幻境晴窓渾水想雲濤疑漲百篇中

渡臨津奉和書狀官蕉齋沈公韻

驚罷離家夢官樓曉角齊沿洄花石底迢遞緋鑒西
不負平生眼聊憑萬里蹄男兒四方志去去莫摧低
吹簫橋次在先絕句

寂寞雲中鐵犬聲遙峯一抹馬頭生十三萬戶繁華
影飄盡公人玉簫橫

青石洞

開京三宿出官道接燕中澗漲驅沙白雷燒掠草紅
吾生非繫匏將子歎征蓬萬里依人去蠻叅愧郝隆

樂山東臺

秀拔孤峯鐵甕中間闊撲地一州雄二年三月逢晴
景萬水千山入遠空邃古封疆檀符徇直西分野翼
幽通乾坤眼力初窮處吸盡盃心落照紅

鴨綠江

蘆筍尖々燕學飛江波縐綠染征衣送人官妓多怡
悵自拾汀花貼額歸

向九連城

輕快戎裝顧影憐燕行書記自翩二桃花錦浪官舟
艤芳草金堤客馬鞭不意吾生觀異域元知世事有

前緣眉間寂斂幾微色來注炎天路六千

遼野

躍馬鳴鞭出大荒書生眉宇一飛揚草青窩集河流
疾雲黑撐犁朔氣長避世幼安悲皂帽登公丁令化
玄裳却看箕尾元同野夜二茶棚夢漢陽

遼陽尉遲塔

風鈴四百響卽當白塔千年倚夕陽原草尚餘唐代
綠行人立馬話文皇

混河

耶里水寒馬骨傷飛沙混與塞雲黃生憎萬里連天

草遮斷

王孫望故鄉

混河在蒲陽一名耶里江上有孝廟等亭之墟云

朝鮮館裡落暉橫
忍聽混河咽咽鳴
熱血城西今化碧
死猶如活鄭雷卿

廣寧途中奉次上使蔡公

濟恭

韻

金褭騷蹄紫蘭街
終朝絲雨浥露
二筆車柳外行高
屋輓塔烟中駐
片帆鳳嘴鞦尖
唐女襪馬蹄袖
窄滿人衫風謠
欲向書中道
迢遶家鄉未達函

廣寧記所見

路入菁花簇淺紅
碧油衣響雨飛空
白間一士含殘墨
應把吾行著畫中

北鎮廟

我是三韓一旅人
醫閭遠到謁明神
羣山北圻蒙真
界大陸南傾渤碣濱
舜典幽方荒萬里
周官冀鎮屹
千春煌二永樂碑
中敕讀罷斜陽悵
望頻

十三山

田中盡日一山無
忽得妍峯馬首孤
去揮鞭如欲
拾颯然平地落花跼

五月初一日十三山述懷

仲夏初一日他鄉
十三山沒齒不忍
忘嗟哉君親間
先生禪月畢慈母
諱日還凌晨廢園
中痛哭使臣班

殘星照苦心長風撲愁顏莫道臣跡逝空慚子愚頑
此日與此山行人看等閒家國殊方悲誰與我一般

寧遠州

荒城餘一片戰蹟百年雄醜虜魂騰火狂酋血灑風
巖程窮海角佳節近天中靜聽漁樵話乘涼老樹東
中後所店舍見海棠花

文昌閣午競燒香艾葉裝釵大足娘倦客忠歸殘夢
醒海棠花對作端陽

威遠臺望見山海關

高臺萬里眇然軀天下全形眼底紆夷夏平分元大

限海山包括幾名都始皇創設非愚計成祖移居即
壯圖若使素家軍在此金甌寧向八旗輸

題撫寧縣徐紹芬家

高麗客到古驪城賢主華堂把臂迎惜別深盃傾細

細鵝黃名酒出南京

撫寧縣城東門曰古驪

夷齊廟

灤河河水至今清廟兒丹青儼弟兄兩歇薇山雌鹿
戲春深竹園老驥行朝解使謁猶堪慰蒙古官馳豈
足榮耐耐皇輿耒早晚衣冠塗炭想平生

二子采薇和鹿乳食

之齊桓伐孤竹老馬識路元時始贈以公爵皇帝七月將幸廟

榛子店憶李文蘭

野風開落最紅花
歌馬殘陽過客嗟
榛子荒涼猶有
店蘭姬憔悴昔離家
悲詞自擬胡笳拍薄命難逢古
押衙幸有知音東國使
流傳哀怨到天涯

店壁有江南女子手

文蘭題詩清城相公
見而傳之今不可尋

薊門煙樹

積氣遙天一望奇
斯須變滅劇然疑
庶幾公子何時
遇所謂伊人盡日
忠滿地白雲虛自
映浮空翠樹條
如移東邊莫羨西
邊好身在那中各
不知

太學有感

夫子陽尊久黌宮遍綠蕪滿書揮殿額元碣屹庭隅
攘狄功無報居夷兆始符宣王餘獵鼓猶可慰從周

五龍亭

高閣琉璃碧映湖青林湧出頂葫蘆天晴玉竦橋頭
望小李將軍著色圖

十里紅牆綠樹紆新荷萬柄揅平湖滿洲皇帝家居
好不佐吳山三馬圖

沙窩堡賈老人歌

沙窩村裡賈老人坐送七十有餘春到老不踏門前
路看書種樹怡其神涼棚把卷攄簷子發笑時口

自陳花樹刊牌記紅白菜種齋囊分甘辛耳聾不辨
牛與蟻幼孫附語傳向賓見我欣然如舊交雪桃淪
茗談津二暗挑棠禎年間事以手拊膺激觸頻長吁
一聲不敢哭寸髮鬢鬆空自循詎耐口中銜石關但
道腸裡碾車輪自言大父指揮使仕宦依稀記甲申
傳聞束髮如君髻蟒龍緞衣虎坐巾漢兒身手女真
裝不肖如今丁不辰嗚呼不忘烈皇帝口誦遺詔
稱聖神牀漓手寫十數行停毫飲泣仍悲呻有君無
臣非虛語不傷百姓何其仁臨行却把椒山集贈我
東方之使臣貽予一箱白芥子托種青丘憶老身激

烈文章辛芳策意非偶然情却真可憐中原多名士
得二紅帽坐棧茵縱饒詩書奈爾何不及草澤一遺
民

敬次白雲先生韻

丙舍書聲百帙橫消搖物外見高情天長一鴈無邊
度夜靜羣螢不已鳴客路每尋紅樹冷世緣渾與白
雲平寒香却羨霜前菊絳帳年二得地生

有懷潘秋厓

公入燕
時相識

翰苑名流即馬枚輒生何事共啣盃從今海左開文
運自古江南出異才白雲詩聲增價返青雲氣義結

交來願言沒齒無相忘玄晏佳篇一諾裁

有懷李墨莊

名鼎元字煥其兩村從弟也公入燕時相識今官翰林侍讀

新知如舊要暫遇亦機緣玉墨秋雲杳青丘曉月妍
孤懷連萬里一別抵千年珍重青莊記留為世寶傳

有懷李鳧塘

名驥元墨莊弟也公入燕時相識

軒然李仲子談笑見情真二陸鳴當世參墟降異人
槐風搖酒浪梅雨宿書塵卽事如撈月天東獨愴神

有懷唐駕港

名樂字字克春四川羅江人官戶部員外郎公入燕時相識

平生真不負海內托名流雅譔開青眼神交到白頭
鷄林書賈返燕市酒人遊驥子萱棚下知應玄草收

青莊館全書卷之十一

庚午春三從叔
漢晟士明氏書



青莊館全書卷之十二

雅亭遺稿目錄四

詩四

落木菴小集

夜飲權景好禩期鄭君福孝人不至

校閱奎章韻瑞咏蟬示諸寮

奉贈奎章直閣鄭公志儉之任義州

姜判書世晃紅葉樓避暑

春日寓直搗文院

院夜

摘文院信筆

戲示寮友

沈子承

景文

宅拈農巖集韻奉贈元玄川

同在先訪鍾崗趙進士

煥

逢李存菴

崇運

及曾

若惠甫

沈子承宅逢元玄川

西院寓直校唐宋文次東院朴檢書韻院分東

西間忙殊異

內閣春帖

內閣春帖

燈夕直摛文院奉次李待教崑秀韻

院中雨晴

摛文院夏日

答惠甫尚方直中戲贈

題畫二首

題閣吏金德亨畫扇

輓李同知彥容

惠甫寓直尚方寄詩時余在摛文院直中次其

韻兼示在先徐而中理修要和

秋日集在先濟用監直廬次杜韻

又次惠甫韻

途中戲題

錦江

寒竹堂冬夜

次柳檢書永保亭長篇韻奉獻徹齋鄭學士

志

儉

還到花山郵復次柳惠甫長篇韻却寄搗院同寮

兩頭纖纖

遣閒

四月十九日防川

校內閣毛詩講義

星州途中

陝川涵碧樓

次朴在先直廬新成韻

有懷沈進士

象奎

二首

畫扇

題閣吏金德亨梅竹楓菊二幅

宣賜上林稻仍命臣等於閣中炊殮同食拈

施愚山韻恭紀

重城縣齋雜詠二首

輓金又門

才五峴途中

馬上

過石垣村

野眺

與葵及金子輪

載運

遊青鶴洞

成秘書士執

大中

寄詩要和仍次其韻

敬次元玄川韻

李麝泉座上逢李雪隱

基憲

小飲仍拈韻聞鷄

而罷

飲成青城秘省直中觀羅朱溪烈宋霞石日休

墨戲

文孝世子輓章六首

代撰

題縣齋

丁未十二月二十八日立春也翌日有人請春

帖書此以贈

家大人七十一歲初度日

七夕後二日羅朱溪李京山

漢鎮

李麝泉飲青

城直廬

秋夜書懷

秘省重陽

正月初三會芸館

燈夕飲尹仁之宅

元玄川直廬

秋日集脩竹軒

贈別松羅丞李國賢

可運

輓元玄川

西園即事

輓李斯舉

鴻祥

集夢踏亭

與成青城集沈園李京山朴熾巖李進士

審度

同會

成士執直廬小飲

集沈判官

公著

園亭

有感

朴慙寮

宗吾

宅共賦

題虎符蘆洲雪鴈圖

承命與惠甫次修編兵畧於秘閣次成士執

韻

絕句

奉贈朴慙寮李在庵

健永

之燕十三首

摘院直中奉次直閣徐公

崇輔

索和之章

桂山夜話

內閣公燕與李承旨

書九

徐直閣南直閣

公報

柳檢書得恩字送別成都護士執之任北青



青莊館全書卷之十二

完山

李德懋

懋官

著

男光葵

奉杲

編輯

雅亭遺稿

四

德水

李晚秀

蕙隣

校訂

詩

四

落木菴小集

拍拍緇塵草色衣
縻人薄宦素情非
金門傲吏銷寒集
紫閣高朋冒雪歸
依戀詩心殘夜逝
淋漓酒事近年稀
翁能靜兕勤課長
掩頻婆樹下扉

能下
落習

夜飲權景好

幘

期鄭君福

彥人

不至

黃昏騎馬館泉東暫試春衣陣二風待詔金門元落
魄窮經白屋獨知雄飛騰奇氣千秋上跌宕詩騷五
夜中谷口子真遲不到憐渠浪跡劇於鴻

校閱

奎章韻瑞咏蟬示諸寮

玄蟬清砭耳似督汗青期流韻澹風好翳形高樹宜
渾身都是潔微品一何奇永日無停響憐渠性不移

奉贈

奎章直閣鄭公

志倫

之任義州

銅虎詞臣佩榮光滿路看黏蟬落照廻蓋馬孤雲間
雅望官還劇新知別更難惜遽萍水會前歲我燕閑

姜判書

世晃

紅葉樓避暑

消夏行尋木石居宰官身世隱君如泉音忽送披襟

際峯翠橫分挂笏初日午山厨餐杞菊雲晴澗戶註

蟲魚兒孫賦得高軒過硯北爭觀弱腕書公孫芳善書

雲林瀟灑倪迂居照映風流唐六如半日清言猶晉

俗百年幽事可虞初諸郎盡是石麒麟佳客多於金

鯽魚宴坐渾忘歸去晚除非讀畫也雙書
慶廣韻音各同麟第

六句水經注時
金中玩金鯽集

春日寓直摘文院

長官迎送敢言勞祗幸微臣
暇世遭方朔呼飢知

曠達揭斯徒步自清高韶風暖拂芸香帙瑞旭鮮添

草色袍深院蕭然無一事滿聽丹壑沸松濤

揭傒斯
為奎章

閣僚家貧嘗
徒步封關

院夜

三宵耿結戀 君情澹月繁星紫禁城獨整烏綃清
不寐丁東暖漏入書聲

搗文院信筆

吾生四十笑吾涯被酒年亡卧落花始識 明時無
棄物從今日月屬官家

雍容豹直 禁林中蠟紙晴窓日射紅手勘羣書經

乙覽官啣勝似米南宮

米芾為畫
學博士

則二春寒穀雨天靜如室女寂如禪忽聞學士金牌

導磬折南廊慢子前

學士八院諸檢書具帽帶爾迎

尺五天光近石渠縹囊紺帙映華裾小臣羸得容身地
甘作書堆老蠹魚

戲示寮友

去二來二四檢書三宵偶直一旬餘連綿恰似回文
錦那箇為終那箇初

沈子承

景文

宅拈農巖集韻奉贈元玄川

青門落日酒樽高醉眼瞢騰視二豪帽影鞭絲綠世
法蒲風梅雨餉吾曹菜花東園吟黃蝶貝葉西菴訪

白毫有客飄然往鴨水中原衣帶不容躬

同在先訪鍾岡趙進士

煥

逢李存菴

崇運

及曾

若惠甫

臘雪今年不見飄澄暄氣候暖微霄琅函校獻紅

雲座珂勒聯驅綠水橋鬢髮潛驚相對罕豈音每歎

所居遙光陰鼎二閒忙裡傾釀何須待翌朝

時校乾
圖書集

成第三及之陶精
節詩字暖微霄

沈子承宅逢元玄川

野客東州尚未還新晴把臂駱峯間名流瀟灑往齊
谷酒債尋常自楚山現眼詩場方有事隨身書局暫

偷閒菜花的飄黃蝶相對騷翁昨歲顏

西院寓直校唐宋文次東院朴檢書韻院分東
西間忙殊異

昔愁矣日苦悠甬近涼天伴直惟清鶴聯吟祗晚蟬
攤書青篠裏鳴磬紫桐前澹趣公餘得斯辰拒永年

內閣春帖

青陽左介敬宸居景運靈長出震初已兆前星天
上耀先瞻化日海東舒羣生鼓舞條風裏萬品昭蘇
穀雨餘賁飾昇平臣有職忝曠事纂新書

內閣春帖

畫永湘簾展五絳琅

天語講官聽書香閣畔春

如錦芳沼波呈九子萍

燈夕直摛文院奉次李待教

崑秀韻

佳辰文院直良會畫樓登五夜華呈綴九霄瑞靄凝
御醪清比露官燭烟疑冰勝事堪千古流傳學士憑

院中雨晴

束帶三庚裏方欣積雨開恩頒偏陋質讐校殫微才
皓鶴雲霄仰玄蟬節序催夙宵懷耿々無枝事優哉

摛文院夏日

鸞雛了了燕兒癡點綴春光一院歸紅杏林中編日

曆不禁花片掠毫飛

火雲頃刻幻千般
燕吐青桐翠竹間
百丈炎埃飛不到
璫瓏銀闕即蓬山

吾惠甫尚方直中戲贈

蕪史重修非脫二
重修蕪史即維騏重二
半臂君休著定見
矣天暘宋初

題畫二首

野水平鋪白山霞
點綴紅舟子時翹
首撐帆候樵風
白雨蕭蕭二毫牛
遙綠蓑鳴誰家
濃樹裏山窓的歷明

題閣吏金德亨畫扇

青二荷一柄裊二魚鷹立魚兒可憐點萍底隱鱗急

輓李同知

彥容

黃梅雨歇玉河橋君馬駢駢我馬驕萬里聯鞭渾影
事不堪丹旆送西郊

燕臺勝事話依依百帙芸香五柳扉悄悵人間餘戀
在書船幾日潞河歸

年年原濕詐驅馳贏得鬚白勝絲兩國中間擔負
重家聲不墜五男兒

惠甫寓直尚方寄詩時余在摛文院直中次其

韻兼示在先徐而中

理修

要和

微踪依戀石渠東冉冉天時落帽風耳熱銀觴飛月
夕心清綠磬徹霜空園官新供寒花素 御輅初頒
晚稻紅隣院恰同元與白郵筒來去二州中

秋日集在先濟用監直廬次杜韻

閱罷芸書出 禁林行尋渌署却蕭森魚丁池面霏
微浪鴻乙雲頭點綴陰潘祝前遊歸影事薊遼新話
助文心不堪搖落謀長醉薄暮寒聲萬戶砧

又次惠甫韻

繡書評畫瑣窓東蒲灑文林韻士風敢道微官鴻羽
漸自慙華譽馬羣空短髭常恐緣詩白癯頰長教借

酒紅慵著烏帽調舞鶴澹松疎竹瑟然中

掖垣持被占西東鄮近重陽雨和風間局勝收詩料
好冷官難補酒錢空篋蓄一夕迎霜碧薜荔三秋透
日紅如此清娛天餉我君胡久坐肉屏中

途中戲題

三四年前一布衣郵丞雖冷驟遷稀行二駿馬青
傘到處淮陰舊釣磯

錦江

潑盡羈愁付酒鍾山何疊二樹重重海雲欲暖忙歸
鴈峽水方生振蟄龍上國將軍開府地中興聖祖

駐蹕峯風流駘宕耆卿曲聞道官娥歌正濃

耆卿指柳惠風

晉卿道錦娥

寒竹堂冬夜

炎天京闕覲陽月額郵還家札飛千里官樽繞萬
山罷衙寒樹側封印亂雲間一帙清宵閱端居得暫
閒

公暇饒風味官奴借酒還寒燈輝古沼孤角響荒山
飲食青嵐裏起居紫竹間華啣魚內閣鞍馬未全閒
次柳檢書永保亭長篇韻奉獻徹齋鄭學士

志

儉

且置閣務劇遽午令公試聽下官語下官倘受令公
知不辭甘心為僕圉榘枿肝肺鬱奇氣詎堪低垂蓬
蒿處行隨使者蹕一騎飄然萬里燕中去徬徨躑躅
玉竦橋悵望 烈皇舊紫籞綿州李生錢唐潘與我
論文大酒所歸來依舊一牀書專於嬰兒靜於女照
水影好憐山鷄椽木技拙慙石鼠常布亦舍水土恩
有願區區効心膺通籍 金門非夢思感激由衷涕
難禦唐朝供奉漢待詔接武徐郎冷與楚

柳檢書号
冷齋朴檢

書号
壁亭

學士紫闌大瀛海檢書黑子小島嶼惟公降精

東壁呈主盟詞垣赤幟舉吾曹生并 右文世伴直

隨行令五暑汲深端合資脩綬懷大邨能容小褚

子莊

褚小者不
可懷大

羣書名目解題陳小學偏旁說文許容我

骨相不嫵媚畧我才具太齟齬天人性命百家語語
到精深公每與方其怳惚又璽瓏太真靈犀燃牛渚
兼銜驛丞自我始不循資格以齒序在前糠粃颺千
里頭流之左蘆潘淑地庫令人骨戍削別後秋風將
換紆

還到花山郵復次柳惠甫長篇韻却寄搗院同

寮

命宮無乃星值午前身是馬通馬語如何翻二四檢

書管領郵驂與牧圉元知閱蠹似攻駒馬喻非馬得
區處君出我入如相避去去來來復去去時如鳥
暫出簾來時如魚方在籞無論如鳥復如魚造化生
成安其所伴直學士晨夕陪寔命不同抱襦女揣分
量才授厥職小腹便便飲河鼠官無貴卑即王臣

晶哉吾曹殫心膺客冬朝天又南為逸興飄然誰

能禦一點棗騮戾如飛碧天四垂粘平楚平明痛飲
素沙橋戰蹟回憶楊滄嶼驂驛颯皆別儒酸眊昧飛
揚增豪舉行穿烟花一千里卸鞍忽覺當初暑紫竹
林中婆娑亭換著輕袷脫綿褚罷衙午夢飛京國醒

後雲山杳何許撐腹詩書自硯礪埋頭簿牒劇齟齬
生憎郵吏鴈行立鳥語侏儒吾何與思君不見如黃
姑洌水一帶銀河渚屈指歸期知何日井梧初落屆
秋序賴有一段風味在銀魚欲上雷溪淑間來更抄
鷄林事方言為正毛施行

兩頭織織

兩頭織織史榴文半白半黑花鴨紋幅二膊二野竹
焚磊二落二觸石雲

兩頭織二蓴葉卷半白半黑太極圈幅二膊二鋌車
轉磊二落二駕大輶

兩頭織二回子笠半白半黑蕎麥粒膈二膊二祖逖
楫磊二落二鄴生楫

兩頭織二芥田蛭半白半黑兔毛筆膈二膊二鑪爆
栗磊二落二北斗七

兩頭織二棗核兒半白半黑五十髭膈二膊二府庭
筈磊二落二奚毬獅

兩頭織二箴口魚半白半黑飛白書膈二膊二石田
鋤磊二落二長鯨呿

兩頭織二對馬島半白半黑玄織縞膈二膊二耜打
稻磊二落二晚鄴保

兩頭纖二貓睛半白半黑碁子縷脰二膊二檀板
拊磊二落二打蕉雨

遣閒

宦跡飄飄一點萍頭流再見草為螢工程眼罩青硝
鏡雅契腸澆白塢瓶碧簋簪跡烟補綴紅薔薇困雨
提醒丞哉不廢松間咏竟日婆娑數樹亭

三度天南往復來望鄉何處不宜臺急先巡圃方抽
筍差晚還衙已落梅獨占便宜元福地未除煩惱即
愁媒雖然一物容難得撲破蚊羣鬧作雷

四月十九日防川

雨歇蘆溪綠漲肥
筍輿鴉軋過村扉
殺湍郵吏彳亍行
進驅石官僮一字
圍紅鷺驚翻風颭
傘銀魚鳴擲浪
淋衣勸農旗脚晴
空轉老子居然大
將威

校內閣毛詩講義

癸卯端陽校內閣毛詩講義于布政司凡三日

余有事還于花山郵巡使李公

秉模

又齋送寒

竹堂開書局六日始訖

閣臣方伯檢書丞盛事天南見未曾
玉局何人修勝覽應將古蹟卷中增

畫永黃梅雨點稀
芸香滿襲驛丞衣
頗知草木貴魚

疏吳陸璣非晉陸機

漢殿橫經白虎通
志羅箋注十三風
煌々硃批丹如
旭南紀榴花不敢紅

蘭垞謂我異人
昨消盡光陰萬帙搜
慧業如今猶未
了隨身書局又南州

一卷繙來吸一壺
珍肴絡繹自營厨
我公不獨於余
好為愛奎章閣上烏

荷風竹露曉冷々
溪樹嬌鶯抱膝聽
病起晴嵐嫌白
纈頭流山色照書青

櫻桃顆々如榴花
節屆天中歎物華
讀罷毛詩回首

憶今朝

御扇賜臣家

揚水揚雄豈是楊校書終古析偏旁都將俗字經文
改絕學非秦即李唐

奎章學士萃如雲抄啓文臣鸞鳳羣昭代休徵今快
覩五星前歲聚箕分

可憐彤管與青衿小序如何不刺淫敢壞朱門公業
了毛姓李紱開儒林

撰次遺經號大全儒臣當日費餐錢專譟劉瑾無裁
擇詩說微茫永樂年

紅閣迢迢綠樹重暫拋書卷睡初濃夢中僚友歡相

見無蟻花辰惜別客

纔了一篇花影移紅娥報與相公知
澄清閣靜稀題牒聞搨金生白月碑

星州途中

駿馬春風千里餘輕裝朒藥友囊儲
世人爭道飛仙好不識兼銜是檢書

世以郵丞為飛仙

陝川涵碧樓

萬山行幾郡一水得孤亭
壁記前朝揭岩書大老銘
日斜江夏白雲冷峽增青客裏春
光晚郵驂為暫停

次朴在先直廬新成韻

朝陽硯不移夕陽席不移臣心似葵花不辭日光被
幸荷軒幪覆吾君我怙恃不須曰苟完莫道雖信
菱安分學巢鷦乘義等埴螳或澄懷搖筆或怡神隱
几起居而寢食隨處無不喜矧伊好朋友夙契澹
水莊語間雅譁團圞惜移晷太息圖所報警戒行與
止莫作寮案着着若兄弟矣莫作直廬着着若一家
裡欲修檢書職請從鄙言始

有懷沈進士

象金 二首

可愛毛山子歡情一往深
穎超中國志玄澹古人心
君寵文淵對家聲藝圃尋
別時珍重札莊誦到如今

蕭二驚歲暮孤驛萬山深日下勞歸夢天南悄客心
偶然修竹到隨處白雲尋一鴈青冥濶君詩隔至今
畫扇

白塔清秋直紅欄落日危蒲江飛木葉幽客水聲期
題閣吏金德亨梅竹楓菊二幅

乾聲暗韻筆尖盈个字翻二女字橫安得研光千尺
絹鮒魚橋畔訪金生

烏柏蕭二寫意新又添疎菊頓精神豹翁衰晚玄翁
去畫派人間祇此人

宣賜上林稻仍命臣等於閣中炊殮同食拈

施愚山韻恭紀

行竈烟濃紫栢陰占城香稻 賜文林僚寀匝坐同
沾腹 宸札雙擎各鏤心均哺鳴鳩梅樹子聞聽鴻
鴈澤中吟荒年豈獨微臣飽一體民 憂丙夜深

宋朝

禁苑種占城國稻
檢書即古文林郎

重城縣齋雜詠二首

縣僻稀公事官居似老農雲黃平眺麥濤翠廻依松
螞蟻緣堦陣蜉蝣滿院春已占饒雨意何必惱淵龍
林中官閣廻繁綠翫終朝雌蝶憐紅蕊雛鸛弄碧條
石頭當菊枕泉眼試椰瓢却恨 京城遠佳朋未易

招

輓金又門

又門以春官吏隨薑山李繡衣

書九

按廉嶺

南病死於昌原府嗟哉又門詩人也嘗學詩
于余為人醇謹詩頗警切

人生一死古來然一死無名亦可憐幸托薑山傳話
柄勝他腥腐享遐年

手鈔金唐字比蠅詩家妙語悟良能青邱風雅行將
選不讓旁流白大鵬

梅黃時節未歸來才鬼煩冤楚些哀好水佳山依戀

地也應冥漠一篇裁

信息蒼茫自暮春荷花初發奠詩人衿湖綠淨冠岑
碧白鳥千羣作吊賓

才五峴途中

荒溪曲折苦多分亂苗橫空日易曛陰壑雪飄愁木
魅敗厓風烈嘯山君逢人幾度問前店驅馬有時當
古墳遙望白烟生暝樾飢鳥啞々自成羣

馬上

倦馬搖殘夢還吾舊草亭霎時諸友面醒後片山青

過石垣村

皂蓋翩然到石垣
峽流初落漲餘痕
見官田叟披禾
拜邀客園丁拾果
喧白雨偏含江北
樹青山多聚縣
東村寧辭觸熱風
謠問眉察蒼生佩
古言

野眺

磊砢瓠瓜卧壞垣
短橋溪漲沒苔痕
一蟬梧樹吟仍
徙雙雀禾叢墮自
喧細雨初飛丹棗
驛殘虹忽掛紫
芝村民情溽暑應
多苦靜聽柴扉野
老言

與葵及金子輪

載運

游青鶴洞

公餘攜客訪脩林
一笠紅亭薜荔陰
青鶴何年棲洞
腹錦鱗俄頃擲溪
心草花細逐香生
履松籟歌攔爽

滿襟小醉微吟歸去好水晶峯畔落暉侵

石迳癰藤挂過眉秋光點綴葉垂枝喬林帶雨零壇
見蔓草縈烟戟壘知決水泓渟高咏地額雲頽澹丰
醺時使君忽作忘機客紅鷺飛連傘影遲

成祕書士執

大中

寄詩要和仍次其韻

海上歸來洛下居終朝晤話久睽餘三言妙解新抄
帙百選殊勞舊勘書秋晚羣虫吟欲歇天晴客鴈字
還舒等閒吾輩詩何似問蒼山樵與水漁

士執著揣
言實言醒

言各一篇要余評批
余監撰御定八子百選

敬次元玄川韻

濃綠陰中曲迳幽脩然皓髮幔亭留南崖雅集遺花
夕東峽歸期值夢秋暫挽霜臺趨夜直幸緣奎閣
許旬休逢迎特地須歡笑會待樽空月上樓

李麝泉座上逢李雪隱

基憲

小飲仍拈韻聞鷄

而罷

宛：春風動禁林篝燈牆北故人尋百忙猶揀烹茶
水一晤能捐買酒金此特青田勞遠夢聽鷄紫陌損
初心逢場却恨相知晚讀盡新詩到夜深

飲成青城秘省直中觀羅朱溪

烈

宋霞石

日休

墨戲

蒲洒羣賢僅世生都非鹿、俗人情三春芳景休愁
晚一夕餘歡更待明深院百花觀似海高樓萬卷擁
如城何妨痛飲揮狂草澆盡胸中磊磊橫

文孝世子輓章六首

代撰

憶曾 邦有慶珍重信蒼、綿籙方伊始純禧政未
央兩朝符 聖誕九月苻休祥天意如斯摯云胡又
降卷甲辰秋仲朔 英考昔光臨宣冊同年月循環
一古今是時呈異瑞俄頃輟滛霖倚伏悲歡劇皇穹
未易謐

肅朝開筵日三回

聖意欣睿姿文也謂至性孝子

自甲辰為各
首而連書可
歎

云蒙養天成夙身教日就勤
徽稱寧溢美錄示自

吾君

賀禮行將舉翌廛必
睿躬德音覃域內吉語屆天
中七鬯俄虛位刀圭竟同功
宸心雖抑譬何以慰
慈宮

端凝天日表緬想淚盈眸
少海波還減重暉彩忽收
令譽揚五載遺恨亘千秋
孺子成班哭嗚呼古有不
不獨民無祿溘然即小臣
春坊初直日震邸始封辰
衣尺瞻岐嶷書筵被揀掄
宮銜從此減萬事祗悲辛

題縣齋

多愧官銜內閣兼不才難免素餐嫌山田瘴伏妨青
飲峽戶疾行忌黑甜間日拋書心孔塞經旬攬鏡面
紋添霖餘忽覺殘炎退四載居然作宰淹

丁未十二月二十八日立春也翌日有人請春

帖書此以贈

君臣同德太平辰吁咈都俞歲且春啞者能歌跛者
舞域中癘痼庶為人

家大人七十一歲初度日

朝野昇平日家君八袞開方歡初度屆何幸勝沅來
良讌彈絲侑新詞秉燭裁專城由聖澤珍重此深

盃

七夕後二日羅朱溪李京山

漢鎮

李麝泉飲青

城直廬

不厭尋君日一迴
岩光蓬閣紫城隈
欹斜放縱蘓黃筆
跌宕淋漓李白盃
遠鷺偏明疎雨止
羣蟬忽急夕暉來
波斯桃樹如人老
花實年二結又開
彗星佳節昨宵迴
曉雨猶痕碧漢隈
雲子白抄芳草盃
珍珠紅滴淺荷盃
直廬還勝班荆話
詩社爭誇御李來
皂蓋胡為京洛戀
非君懷抱向誰開

秋夜書懷

匪惠匪夷遇

聖明重城縣宰布衣榮夢陪香案承

天語覺卧琴堂聽雨聲閱世能無遠素志讀書端不
負平生行藏細檢難成寐直到寒鷄第四鳴

祕省重陽

促膝芸窓話柄長悲秋顏髮慰蒼々鴈奴風急驚千
陣鴉舅霜清老百章舊釀將傾初泛菊新衣欲試暫
熏香阿誰末席詩先咏滕閣休誇獨擅王

正月初三會芸館

屠蘓暫試酒腸寬贏得新年盡意歡向老祇應便野
服逢辰未忍謝朝冠千家宿雪堆殘白一院番風破

薄寒藹々春光消息近紅梅花樹剔苔看

燈夕飲尹仁之宅

丹鳳門西萬柳枝城高北斗閃朱旗
君家易識復難忘來把盈々燈夕危

元玄川直廬

暫停書局筆襖下一騎歸園靜蟬稀
噪庭空雀慣飛槐陰涼滿席梅雨細
吹衣官閣堪銷暑脩然願不違

秋日集脩竹軒

似入蕭閒室晴梧碧滿牆鬢絲睽後短
譚柄晤餘長細揀憐旗茗頻拈惜線香
竹深知薄暮眠鶴皦然光

贈別松羅丞李國賢

可運

送君東海去半日得清閒
燕坐涼風始高吟亂樹間
馬曹行素志酒所慰蒼顏
珍重加餐飯秋深好暫還

輓元玄川

輿志參三輔樞銜侈七旬
後生資宿德今世見先民
峻節高於嶽溫言藹若春
齋咨仍痛哭不獨為姻親

西園即事

輕寒生古巷夜雨添春山
鳥喚眠慵際花添坐久間
斜陽尊酒在明歲幾人還
留約攜清月能無掩竹關

輓李斯舉

鴻祥

親炙晉菴相冲年能見知友朋看性命墳典作師資
跌蕩談餘咏悠揚酒後悲誰曾沮一縣於子竟何虧
集夢踏亭

棟花鋪似雪惆悵上高亭皴石天然白癭杉獨也青
我來暫歌咏伊昔誰居停細數今春事何曾一日醒

與成青城集沈園李京山朴燕巖李進士

審變

同會

幸緣休暇趁芳春聯步翻白袷新願見何多名下
士相逢盡是意中人簫腔忽急花枝裊觴羽紛飛兩
點頻得御李君真快絕開懷却似舊來親

成士執直廬小飲

新晴官閣裊爐薰
苑樹微涼綠影分
蜨翅纔乾依晚草
蟬音忽勁徹疎雲
開懷永夕成高詠
適意良辰得半醺
一點囂塵飛不到
超然無坐賞奇文

集沈判官

公著

園亭

洞屋冷々闌市塵
烏紗暫卸作閒人
莫嘆頭上飛騰景
且樂樽前現在身
帶雪遙峯迎夕月
鳴風老樹待陽春
元知北里饒名勝
依戀行將卜近隣

有感

弱植由来易動搖
周流院署慰遷喬
非讒人舌佯投

虎縱好其音作徒梟小利亦知閑薄宦獨賢何忍較
同僚一身兼管編摩役未敢區、辨錯料

朴慙寮

宗善

宅共賦

偶登清秘閣墨妙畫煙雲石冷蛩吟合花晴蝶影分
息機存素志習靜對玄文曩鼎令人古蕭然迥出羣

題虎符蘆洲雪鴈圖

讀畫炎天忽變寒無邊蘆雪滿江干我曹都是忘機
者雜坐鳴鴻睡鴈間

疑案千秋畫鴈詩無人意寫見人時如令百態天然
具盡把歐羅遠鏡窺

承命與惠甫次修編兵畧於秘閣次成士執

韻

亞字回廊樹影沈
禁城南畔卽書林
翠嶺峯歇崇

朝雨邛色雲鋪薄
暮陰人盡朱霞天
際想詩皆白雪

郢中音酒悲忽起
風泉感滿說思宗
舊斲琴

次修人
燕中得

此琴
而歸

絕句

何多逢梳兒飭絕
難聞柝廬響百甬
思無好策都不
如吾友予

人無不楊朱學箇
相傳心印願借金
剛法杵何時

打破這客

怪之魁癖之王放倒猶自天真大難堪那箇物喬兒
喬樣聖人

願得一知己死孰令聽孰為為酒後每讀斯語凋盡
雙鬢如絲

著書不載欄鹿學画堪寫紙鸞善哉善哉揚子簡兮
簡兮郭公

人非螺贏桑土安得類我類我柴也愚由也嗟不害
聖門學者

略挾文才凌人不識天高地卑可怕堪譬那箇猓犬

醉漢驕兒

鍾進士真快活慣啖耗鬼目睛神力亦有不到邪人
白晝橫行

我解文墨小技自詭萬甲藏曾夷顧平生事實九容
不能一容

奉贈朴慙寮李荏菴

建永

之燕十三首

慙寮與荏菴俱是我所憐二妙翩_二去何異我入燕
侍御史朴充基待詔朴球俱見唐人詩君今又遠遊
晉卿友稼亭牧老師圭齋倘逢黃歐齋舊事相與懷
艷陽春月暮梨花一千里吾行如昨日津_二說未已

君行吾老大吾行君少小同歡不同行鴻燕各情

檢書雖小官新拜亦自華燕行雖暫遊初入亦堪誇

時許憲察為檢
書官隨使入燕

內閣懷朋夜南館憶鄉晨惟有中天月同照兩地人
吾東君子國鹿速多禮數試訪諸閣老一見披情素
中原毀何損中原譽何尊東人眼如豈中原自中原
朝鮮亦自好中原豈盡善縱有都鄙別須俱平等見
尋常造火炕細瑣烹琉璃年々學不得何況古文詞
天下最難聞啞々老鷄聲有甚於此者腐人說燕京
蘭公謂我眼芒彩燁然眸若問今何似眉間羃靄隼

摘院直中奉次直閣徐公

崇輔

索和之章

樊鶴能翩舞盆魚樂泳潛欹斜程課筆香拖赴公衫
技愧炙離薄姿憐馬齒添開懷寬禮數跌宕亦何嫌

桂山夜話

百年甘作信天翁飲啄無閑雨與風客氣一分消未
得有時來往酒人中

內閣公燕與李承旨

書九

徐直閣南直閣

公輟

柳檢書得恩字送別成都護士執之仕北青

聖人建皇極導俗返其原山藪藏垢疾日月燭幽昏
惇若無告輩漸被生成恩翼堂飭燕毛閔宮詐

駿奔于今備人數 盛德不可諉敗者驩欲蹈啞者
快欲言成侯衆中殊卽潛歲幾翻獻賦侈華褒酸寒
笑梁園殊批何煌 輒於搏桑暎 寵擢秩三品僊
鳬向北騫叨謝侍從聯琅函進 天閭閣臣體 聖
眷飲餞設清樽春意動 禁籞 恩光接塞垣諸公
今詞伯談藝醇而溫襟懷混物我資格忘卑尊僕本
下士耳與讌勝齊髡矧伊奉 聖諭洞若闢重門寒
暖類旁條培養亦同根文章散衆派既濬卽一源不
圖蟻蝨臣荷此 聖諭敦感極俱泫然綠袍斑淚痕
沈疴漸祛體不復呻鬱煩久客將還家不復愴羈魂

百鳥得氣鳴各悅春暄六經漱芳潤動輒三古援
願為邯鄲鐸禁止箏籥喧願為甦賓鐵觸感縣曲軒
將何以報荅聚首相與論成侯勉有餘吐辭愈撲渾
吾儕勉不足一變期復元

青莊館全書卷之十二

庚午春三從叔
漢晟士明氏書



